

LES  
MERVEILLES  
DES BAINS  
D'AIX EN  
SAVOYE: 31668

Dediees à Monseigneur le Serenissime  
Prince THOMAS de Savoie:

Par le Sr. JEAN BAPTISTE DE CABIAS,  
*Docteur en Medecine, natif du Pont  
S. Esprit, en Languedoc.*



A LYON,  
Par JAQUES ROUSSIN.

M. DC. XXIII.  
*Avec Privilege du Roy.*





A MONSEIGNEVR,  
 MONSEIGNEVR  
 LE SERENISSIME  
 PRINCE THOMAS  
 DE SAVOYE.



MONSEIGNEVR,

**M** Les Egyptiens tenoyent en leurs sacrez, & secrets mysteres, que de l'encens qui estoit offert à leurs Dieux, il n'en entroit dans le ciel qu'une partie la plus espuree, sur laquelle reposeroyent & les vœux & l'esprit du sa-

crifice; Et que les autres plus terrestres estoient reiettees pour estre le sacrifice des tenebres. En ce dernier partage ie me figuroy, non sans raison, de voir l'image de ma disgrace, ne pouuant, ce me sembloit, esperer sinon que l'oubly, l'obscurité, Et le mespris fussent la ruyne entiere de ma fortune Et de ceste mienne entreprise, que ie presète aux pieds d'un Prince si parfait Et si rempli de vrays Et excellēs merites. Mais deux choses ont un peu flatté mon esperance de mieux: l'une que ie ne pouuooy me dispenser d'offrir à V. A. quoy que temerairement, ce qui de droict estoit des-jà vostre, étant né chez vous Et dans vos terres, où une franche curiosité m'auoit par cy-deuant porté, pour y contempler les merueilles des eaux, que

5

la Nature y a faict abondamment sortir, avec aultant de bonheur pour le bien & santé des hommes, qu'on scauroit desirer, enrichissant aduantageusement ce pays de plusieurs raretez recommandables, qu'elle a espargné aux autres. L'autre a esté ceste admirable & incomparable douceur, qui se deployant sur ceux qui ne sont point dignes de son aspect, ne dedaigne point leur rencontre & leur entretien. Toutesfois ce n'est pas icy que ie pretens louer ceste digne & toute Royale vertu, entre plusieurs autres qui font le train de vostre Cour: car ie craindroy qu'une si foible louange venant de ma part, ne fust plustost un reproche iniurieux, qu'un tesmoignage du deuoir de ma fidele & deuotieuse seruitude, qui me presse maintenãt

à faire mille vœux, Que vous vi-  
viez, aussi heureux & content, com-  
me ie suis & seray inuiolablement,

MONSEIGNEUR,

De vostre Altesse

Le tres-humble, tres-obeyssant,  
& tres-fidele seruiteur,  
DE CABIAS.



A MONSEIGNEUR LE  
SERENISSIME PRINCE

THOMAS DE SAVOYE,  
☽☽☽

Sonnet.



IEN plus haut, rien plus bas que le Roy  
des planettes ;  
Rien de plus esclatant, rien de plus te-  
nebreux :

Il baille sa grandeur dans les antres plus creux,  
Lors mesme que si fier il roule sur nos testes.

Il ne peut estre veu des paupieres plus nettes,  
Il ne peut n'estre veu; rend esperdus les yeux  
De l'esclat de ses feux; obscur, & radieux,  
L'essay du braue Aiglon, la honte des choüettes.

Monseigneur, vos grâdeurs ne dedaignent personne,  
L'esclat de vos vertus estourdit, & estonne  
Les yeux trop curieux, dans ceux des enuieux.

Vous faites trop de iour, ô astre ! dont la gloire  
En son bel ascendant, esclaire la memoire,  
Dans les siecles passez, de tous ses Grands Ayeulx.



# AD AVCTOREM,

Carmen.



**I**GNIS ut abscondi nequit, in tenebrisq;  
teneri

Occultus, latè splendor quin emicet inde,  
At, que inbar partes de se diffundat in  
omnes:

*Nec doctrina latere potest, generosaq; virtus.  
Sint quibus excolant animos natalium origo,  
Fortunaq; faces, vel opum numerosus aceruus:  
Esset munitum benè Pallados agide pectus,  
Artis Apollineaq; opibus; deprome beatos  
Ingenij factus, vena locuplete reponens,  
Naturamq; Ducem colito, sic vini da tollet  
Gloria te genio semper comitata perenni.*

Pangebatur HENRICVS A  
S. ANDRÆA.

STAN





# STANCES,

A L'AVTHEVR.



ON esprit crayonant au vif de la Nature  
Les effets merueilleux, va releuant l'honneur

De Dieu, & allumant le desir dans le  
cœur

Des hômes pour contrir de leurs maux à la cure.

C'est icy qu'à l'effort d'un sçauant artifice


Tu estales au iour les beaux effets des eaux,  
Les riches qualitez de plusieurs mineraux,  
Appellant à l'enuy tes riuaux à la lice.

Ta docte experience, & sçauoir, sont les aïfles

Qui te portét bien haut au triôphe d'un bruit,  
Et d'un los eternal, qui ja ne craint la nuit  
D'un oubly, annonçât de si grandes merueilles.

Heureux donc pour iamais: car le temps & l'enuie

Ni par force contraints, ni faucés par appas,  
Ne conduiront le los de ton œuure au trespas,  
Mais viuront à iamais en plus heureuse vie.



AD LIBELLVM  
ENDECASYLLABI.



**I**, nunc atria Principum superba,  
Tristes pauperis insona tabernas,  
Liber candide, non tenaciores  
Morsus inuidia potes timere.  
En spiras adèò vagos lepores  
Vt cultu nequeas venustiore  
Thesaurum Medices secretioris  
In florum tenero sinu referre.  
Quòd si quis sciolus rosis latere  
Duri cespitis immaturiora  
Iactet munera, quò magis retundet:  
Exulta, paries beatiora.  
„ Ardet fulgidius probata virtus.

C. P. M.

Sulphureos ignes calidam scrutatur & undam  
Iste liber, medicas fertq, legendus opes.

PRE



PREMIER LIVRE  
DES MERVEILLES  
DES BAINS D'AIX,  
EN SAVOYE.



CHAPITRE I.

**T**ROIS choses doiuent  
satisfaire & conten-  
ter vn homme , à  
sçauoir la prudente,  
& limitee curiosi-  
té ; la science ; &  
l'asseuree experience de ce à quoy il  
est employé. De vouloir compren-  
dre & contempler les Merueilles du  
ciel avec des Idees d'vn esprit par  
trop foible : demander d'où vient &  
procéde qu'vne seule fois l'annee le  
Nil deborde en Egypte, pour la fer-  
tilité

fertilité d'icelle : que l'Océan rapporte vn flux & reflux : que l'Ambre emmeine à soy la paille, l'Aymant le fer; & que l'on voye en certaines parties, Prouinces, & Royaumes du monde des fontaines & bains les vns sulfurez, bitumineux, nitreux, chauds au possible : les autres alumineux & vitriolins, qui rendent des effets de leurs proprietéz aussi prodigieux, qu'ils sont dignes d'estre plustost admirez, que d'en tirer l'origine par vne temeraire presumption de l'Autheur qui les a composez. Seroit il pas (comme l'on dit) mordre la Lune avec les déts, viser à tout ce qui nous est incognu, & desirer scauoir tout ce qui est en Dieu, qui est Dieu mesme? Suffit donc de cognoistre par les effets, ce qui nous est denié par les causes, qui nous sont incognuës. Aussi les Philosophes disent: que plusieurs choses ne peuuēt estre cognuës des hommes par vne  
cognoif

cognoissance prieure de leurs causes, comme celles que j'ay fus alleguees: mais que seulement l'on se doit contenter de l'asseuree & posterieure cognoissance qu'on a par leurs effets. De dire pourquoy Dieu a donné à la Saouye plustost qu'à vne autre Prouince, & à vn petit lieu du nom d'Aix, (ainsi nommé pour des eaux admirables qui en sortent,) des raretez si estranges, & des merueilles si grandes, que l'admiration n'en est donnée qu'à ceux qui vsant de leurs qualitez, estants atteints & remplis de plusieurs maladies, s'en retournent (comme ceux qui anciennement alloient à la piscine probatique) iouyssants d'une bonne & heureuse santé, seroit-il pas chacter vne mesme chanson, battre l'eau avec vn baston, & se casser la teste contre la pierre: Il est vray, & pleust à Dieu que nous fussions autant capables de recognoistre la portee de nos esprits,

esprits, comme nous cognoissons les merueilles de la Nature, nous ne serions iamais reduits à l'impossible par la contemplation des effets d'icelle, ainsi que nous sommes en recherchant son principe: si bien que s'il m'est permis d'estre curieux, ce sera de mon seul subiect: & pour estre sçauant en mon art, de la seule experience de ce que i'ay veu.

V O U S scaurez donc, qu'apres auoir exercé la Medecine plusieurs annees dans le Dauphiné, à Vienne, & saint Marcellin, villes remplies de rares & sçauants hommes, & où les Sieges des Vibailifs sont en grand honneur & reuerence, ie visitoy plusieurs malades, les vns paralitiques de quelques parties de leurs corps; les autres subiects à des sciatiques, coliques nefretiques, & ventcuses, douleurs de iointures par debordement de rheume acré & mordicant: d'autres qui estoient  
vexez

vexez de douleurs froides, torpitudes, & pesanteurs des iambes, d'obstructions, d'opilations des hipocondres, tant du foye, que de la rate; qui des tumeurs, & douleurs d'estomac prouenantes d'une cause froide: autres des hemorrhagies, lienteries, diarrhees, playes, vlceres; & sur la longueur de ces maux, i'ordonnoy les bains tant d'Aix en Sauoye, que de Balneruc, en Languedoc: mais ne sachant leurs proprietéz & qualitez, que par la coutume, & vsage familier de ceux de ceste Prouince, ie me resolu d'y faire voyage pour en estre plus certain, & ay seiourné continuellement en celuy d'Aix depuis le mois de Iuin, iusques en Octobre de ceste annee: si bien que ce seroit auoir poussé le téps avec les espaulles, & vescu trop paresseusement, si ie n'auoy fait tant & plus de singulieres remarques des effects prodigieux de leurs vertus & rares  
proprie

proprietez; & par trop ingrat, si ie n'en faisoÿ part au public : tant pour la consolation de ceux qui s'en sont biẽ trouuez, que pour inuiter & conseïller ceux qui sont attaints de maladies croniques, à les visiter : asseurant que si l'on doit rechercher le temple d'Esculape pour y receuoir la santé, l'on ne sçauroit ailleurs le mieux trouuer, qu'és eaux & Bains naturels, ausquels l'Autheur de la nature a eslargi toutes sortes de benedictions, pour dissiper les malheurs & accidens malins de nos corps.

---

*Description du lieu.*

CHAP. II.



**L**E commenceray par la description tãt du lieu que de l'air, & la diductiõ des nõs, & proprietez des eaux, desquelles nous nous sommes feruis.



LA ville d'Aix en sa situation est posée sur vne petite colline, laquelle par des descentes tombe dans vne petite plaine de la longueur & largeur d'une demy lieuë, ayant l'une des belles & agreables perspectiues du monde. Elle se rend au lac du Borget, fort abondant en poissons, & particulièrement d'une espece nommee Lauarets, tres-bons & salubres, veritablement particuliers en ce lieu, ne s'en voyant autre part du monde que là. Elle a du soir pour limite & borne, le mont du Chat, montagne, par laquelle ceux de Lyon viennent aux Bains; de la bise, le mont Crusuel, qui est fort fertile en bleds, vins, & bois, & a les grâds chemins de Geneue, Rumilli & Anecy: Du vent, vn petit village du nom de Viuier, qui anciennement estoit appellé *Viuaria Romanorum*, où l'on void de fort belles antiquitez: & ceste tant ancienne & celebre ville de Cham-

bery, seiour à present d'un des inuincibles & serenissimes Princes du monde, Mōseigneur le Prince Thomas; & d'un tresauguste & trescelebre Senat, qu'on peut nōmer le vray temple de Themis. Du matin est le mont Riual, qui produit des arbres de haute fustaye, & duquel sortent les eaux des Bains, ainsi que i'ay remarqué: car on y void plusieurs trous & puits fort cauerneux, & profonds, qu'on nomme les Puits d'Enfer, tant pour leurs profunditez, que pour les exhalatiōs sulphurees qu'ils rendent matin & soir, finissant leurs cours sousterrains tout contre les murailles d'Aix, passants par des lieux concaues & cauerneux, & distillants ordinairement ainsi que des rares & fort abondantes fontaines, qui ne tarissent iamais, ny hyuer, ny esté; & qui est plus admirable, gardant tousiours la chaleur qu'elles presentent de leurs mineraux, souuent augmentee

gmentec tant par l'ardeur du Soleil, que pour estre combattuë de l'extreme froideur en hyuer.

CE n'est rien encores: car si en tout œuure il est necessaire d'vser de certaines proportions consecutiues, à sçauoir du principe au milieu, d'iceluy à la fin, ainsi que nous voyons tres-bien obserué par les Architectes, qui commencent leurs œuures par la solidité d'vñ bon fondement, apres viennent aux estages, & pour la fin ont la couuerture de leurs entreprin- ses: ainsi ayant faiët veoir le principe de ma description le plus succinct & Laconique que i'ay peu, il faut que ie parle maintenant des lieux où les eaux & Bains ont esté fabriquez, & dire par qui.

B 2

*Quels ont esté les Inuenteurs &  
vrais Autheurs des Bains  
d'Aix en Sauoye.*

CHAP. III.

**L'**ON n'a iamais peu sçauoir, depuis la generale combustion de la ville d'Aix, qui fust l'an deux cents trente, le nom de l'Autheur de ces Bains; si est-il tres-veritable que les Romains en ont esté les vrais Inuenteurs & Maistres, ainsi qu'on lit dans la vie de Iules Cesar; où il est dit: Que luy passant les monts Transalpins, venant aux Allobroges, y furent cōstruits des Bains fameux & reputez fort medicinaux. Or en tout le pays des Allobroges, il ne s'en void aucús qui soyent bastis à la mode antique, que ceux d'Aix: par cōsequent les Romains en sont les vrais Autheurs. Et pour confirmer mon dire,

dire, l'on remarque dans le beau & ancien chasteau de la ville, qui appartient à mōsieur le Marquis d'Aix, lequel embelit par ses merites ceste tant illustre maison de la Chambre, de laquelle il est descendu: l'on void, dy-ie, certains arcs triomphaux, auxquels on lit : *Publius Campanus Romanorum Dux* : & à quartier du chasteau il y-a certaines grōttes & temples, où ils tenoyent leurs Idoles ; ensemble vne grande tour bastie à la façon des arenes de Nismes: & entre autres choses l'on remarque dans la vallee de la Fin, lieu proche d'Aix, & où fust donnee la plus sanglante bataille entre les Romains, & les Allobroges, qui se soit oncques donnee : & sur la couverture d'un tōbeau, *L. Opimius Consul.* I'estime que les Romains ayant faict plusieurs fois la guerre aux Allobroges, tant par *Domitius Proconsul* & *Sergius Galba*, Lieutenant de Iules

Cesar, que par Caius Sextius, par lesquels ils furent defaits, & entierement ruinez, comme l'on collige de l'inscription d'une colomne, qui dit: *Imper. Cesar. Diui fil. Aug. auspiciis, gentes omnes Alpinae, quæ à mari supero pertinebant, sub imperium populi Romani sunt redactæ.* L'un d'iceux demeura en Prouence, & fit construire les Bains, & la ville d'Aix, & la tiltra du nom d'*Aque Sextia.* Domitius de mesme, ayant passé les monts Transalpins, fit faire en ceste prouince de Sauoye des Bains, qu'on nomme *Aque Allobrogũ:* Bains qui anciennement ont esté en telle estime, que mesme le docte Bremius, Professeur dans l'Vniuersité de Paris, escriuant à Messire Claude de Seissel, Euesque de Marseille, & depuis Archeuesque de Turin, rapporte beaucoup de loüanges de leurs proprietéz, ainsi que vous verrez en l'epigramme suyuant:

*Provida cum nosset, successu temporis olim  
 Natura humanum posse perire genus,  
 Productura dies. Medicina contulit artem,  
 Quasdam & aquas vides, iussit habere pares.  
 Dicere vix possum quot aqua tribuere salutem,  
 Inq, dies agris commoda cuncta ferant:  
 Ast Allobrogicas constat magis esse salubres,  
 Quas simul è toto languidus orbe petit.  
 Quam meliora parant nobis hac secla petendi  
 Hac loca causa duplex. qua prius una fuit.  
 Massilia Antistes nobis hinc Claudius exit,  
 Qui medicas verbis fert celebrandus opes.  
 Corporis ager habet mentisque iuamem, adibit  
 Hos libros, & aquas, vivere quisquis amat.*

Et parce qu'ils auoyent esté si long  
 temps negligez, tant à cause des guer-  
 res, que pour les diuerfes contagions  
 qu'on a eu en ce pays, le peuple en  
 auoit perdu l'usage: mais depuis ils  
 ont esté mis en leur premier estat &  
 vigueur, par ce tant célèbre & experi-  
 menté Medecin monsieur de Ville-  
 neufue, qui par ses effets s'est acquis  
 dans le Dauphiné vne eternité de  
 louianges: car par son conseil vne in-

finité de personnes du Lionnois, Forests, Viuarests, Sauoye, Dauphiné, & d'autres Prouinces ayant esté en ces Bains, se sont retirez en fort bonne disposition. Particulieremét aux maladies croniques & longues, qui faisoient les hommes de temps en tēps, ou d'annee en annee, il leur a donné pour aduis fort salutaire d'y faire des neufuaines & quinzaines entieres: ce que l'on obserue aujourd'huy *ad literam*. Vous assureant que ceste annee il y-a eu si grand abord de peuple, qu'on y a veu, par temps diuers, iusques à mille ou douze cents personnes de condition assez releuée.

---

*La qualité & proprieté de l'air  
d'Aix en Sauoye.*

CHAP. IIII.



R comme plusieurs prennent les Bains plustost par coustume, que par l'ordre qu'il faut



faut obseruer, ie croy qu'il ne sera pas mal à propos de descrire comme l'on les doibt prendre. Toutesfois il semble que ie laisse le second estage de mon discours, pour me voir bien tost comme les Mathematiciens à la fin de ma ligne : ou comme certains Sophistes, qui voulants parler du sens de la veuë, s'arrestent plustost à la chose veuë, qu'au sens & à l'orbite qui la contemple. Je voudroy, puis que i'ay parlé du lieu, en faire autant de l'air, & de sa propriété: & comme nous ne viuons pas seulement des aliments que nous prenons, mais aussi de l'air que nous respirons, il faut qu'il soit proportionné à la vie humaine: & pour ce faire le plus temperé sera le meilleur. Et tout de mesme qu'on dit, Que la santé est vne qualité predominante tant sur le chaud, l'humide, le froid, & le sec: ainsi l'air qui aura moins de ses qualitez excedantes, retiendra vne

bonté naturelle à nostre temperatu-  
 re. Que si l'on remarque la condition  
 de nostre nature, *cùm sic tēperata tem-  
 peratis, & sibi similibus gaudet & dele-  
 Etatur: contrariis Verò destruitur:* & par-  
 ce qu'elle desire de s'entretenir dās la  
 mediocrité sans excès, l'on void qu'el-  
 le met peine de propager & cōseruer  
 sō estre sous le mesme pouuoir qu'el-  
 le a reçeu de son Createur: & lors que  
 le contraire luy arriue, nous voyons  
 dés l'instant, l'ascendant & descendāt  
 de nos aāges, à sçauoir du principe  
 de vie à son apogee, & d'icelle à la fin,  
 n'auoir autre cause que la seule qua-  
 lité contraire des corps elementaires.  
 Ainsi qu'il est rapporté par le plus an-  
 cien des Medecins, dans vn de ses  
 apophtegmes, disant, *Que, si corpora  
 ad summum plenitudinis, hoc est, sanitatis  
 gradum peruenerint, cùm in eodem statu  
 permanere non possint, reliquum est ut de-  
 cidant in deterius:* & comme plusieurs  
 par

par la rigueur de l'air & imbecillité de leurs corps tombent en des douleurs froides, par lesquelles leurs parties deuiennent engourdies, pesantes, & paresseuses, perdant quelque fois l'actiõ & mouuement progressif, l'on ne sçauroit par remede interne ny externe mieux reparer la chaleur comme perduë & abolie, que par la voye d'vne cause simple & naturelle, que Dieu nous a donné, tant en la chaleur mediocre de l'air, que celle que nous experimentons aux Bains & sulphurez & alumineux.

**DO**NQVES pour y profiter, ie vous diray, que la qualité de l'air de ceste ville d'Aix est asses subtile, neâtmoins tendante à vne mediocre temperature, & qui est fort propre aux Phtisiques, pour la bõté & emerueilable proportion qu'elle a avec nostre nature. En ce lieu l'on y enuiclit beaucoup, tant pour la bonté de l'air  
que

que pour l'abondance de toutes sortes d'aliments, fruiëts, & danrees de fort bonne substâce, qu'on y recueille & qui sont necessaires à la vie humaine: & encores pour les belles & excellentes promenades qui sont en ce lieu, tant sur les monts, dans des belles forêts, & vignes tres-bien entretenuës, que dans de beaux iardins & parterres; & principalement sur le lac, vers ceste antique & illustre Abbaye d'Haute-combe, qui a esté le berceau & la mere nourrice de deux Souverains Pontifes, ainsi qu'on voit dans leurs Croniques, où particulièrement l'on a inferé ces vers latins rithmiques:

*Gaude domus Alta-comba,  
Prolem nutriti Ecclesiæ;  
Antistitem magnum quartum,  
Cælestinum, ac Facundum.*

Et ailleurs ceste inscription: *Alta-comba Sabaudicæ natum genuisti sapientiæ Nicolaum Tertium Pontificem magnum, atq;  
gene*

*generosum.* Lieu le mieux situé pour la vie monastique, & pour son aspect, qui soit sur la terre habitable. Dedás l'on y void les tóbeaux & sepulchres des Serenissimes Princes de Sauoye, Premièrement à main droicte celuy de Louys XIII. Baron de Vaux, frere du Comte de Sauoye: & à main gauche le sepulchre d'Amedée, Comte X. de Sauoye, ioignant celuy de ceste tant sereníssime & illustre Dame Madame Marguerite de France, mere de son Altesse à present regnant, lesquels sont dignes d'estre admirez, tát pour la beauté du marbre, duquel ils sont elaborez, & releuez de leur longueur, avec autant d'embelissement de l'or & l'azur qui esclatent en leurs corniches, que pour les belles epitaphes qu'on y lit. J'admire principalement celle pour Madame Marguerite, qui comprend vn sens enigmatique. Sa statuë est releuee en bronze, & au

dessus l'on y void vne pierre quarree en forme cubique, mise au milieu du tableau, qu'on a remply de quatre sortes de corônes, à sçauoir d'Oliuier, de Chene, de Mirthe, & la derniere de Palme: & au dessus de toutes il y en a vne cinquieme, qui est tissuë de bien claires & luisantes estoiles, pour laquelle est escript *HIS SVMMAM MERVIT COELO.* Au bas de la pierre l'on y-a figuré vne plainé Lune environnee d'vne infinité d'estoilles, & autour ce vers latin:

*Nec celsa hinc, nec clara magis splendescit imago.*

A costé droiët de l'ornement de cect epitaphe, l'on y void la deuise d'vn viel saule, qui languissant se seiche, ayant perdu l'eau du ruisseau, ou fleuve qui le nourrissoit, disant, *Discessu languet amata.*

Dv costé gauche, l'on y void la deuise d'vne plante de cichoree fleurie,

ric,

rie, ayant à cause de la nuit toutes ses fleurs closes, qui ne s'ouure iamais par autre lumiere que par celle du Soleil, avec ce mot latin, *Reliquas temno, summa recessit* : le deprise toutes autres lumieres, puis que ie iouy de la souueraine. A quartier du principal autel est placé le sepulchre de Boniface; Archeuesque de Cantorbie, qui estoit de la maison de Sauoye, & qu'on tient aujourdhuy pour Beat. Il est releué en bronze, & soustenu sur le dos de six personages, qui est vne piece grandement riche & artistement traueillée.

Il y a aussi vne infinité de tresbelles & tresriches Reliques : à sçauoir le chef entier de sainte Erigne, enchassé dans vn grand vase d'argent, surdoré, au collier duquel est escript, *Caput integrum sancte Erignæ* : & au plus bas, dans vne plaque d'argent surdoré, *Anselmus Patracensis Episcopus dedit* :  
sacrile

*sacrilegius argenteo tegmine denudauit: Geneua prædonem suspendit, furtum restituit Alta-combæ, Religiosus Conuentus restaurauit.* L'ay veu aussi le poulce entier de sainct André y estre richemēt tenu: encores de la propre robe de nostre Seigneur, & de la cheueleure de saincte Marguerite: le reste ceux qui sont deuots prendront le loisir, & la pieuse curiosité de le voir.

Neátmoins ie ne peux ne parler de ceste tant admirable fontaine qui est pres de ceste Abbaye, appelée du nō de Merucilles, ou plustost vn Euripe à nos esprits, attendu que ceste fontaine demeurera à couler, (moins en huer, qu'en esté) tantost demy heure, tātost vne heure entiere, tātost deux, & quelques fois deux ou trois iours entiers: & lors qu'elle prend son flux, donne de l'eau plus qu'abondáment pour faire mouldre le moulin & cie du Monastere. Je voudroy estre plus sçauant,



ſçauant, & pluſtoſt auoir vne ſcience infuſe, pour donner la raiſon de ce qu'elle coule à heures & iours interrompus, puis que i'eſtime qu'on ne la ſçauroit donner naturellement. Et en ce ie ſuis de l'aduis du Philoſophe Senèque, qui en vn cas pareil, & en vne queſtion qui ſe propoſe du flux de-reglé & interrompu de quelques fontaines, reſpond *au l. 3. des queſt. naturelles, chap. 16.* Que ce ſont des ſecrets cachez dans la maieſté de la Nature: Toutesfois ſi en ce faiët l'on peut aduancer quelque choſe de probable, tiré du creux de la Philoſophie, il me ſemble que Plin le ieune l'a brieuement & elegamment touché, *en l'vne de ſes epiſtres, l. 4.* où apres auoir deſcrit à ſon amy Surra les merueilles d'vne certaine fontaine, qui depuis a prins de luy ſon nom, & ſe voyoit en ſon pays, & rapporté ſes croiſſances & décroiſſances; cōme tantost elle vuidoit

le cours chiche de son thresor , tantost elle pouffoit abondamment au dehors le cristal de ses eaux : & trois fois le iour ; ou bien, ainsi que quelques vns veulent , d'heure en heure elle couloit & demeuroit à sec : il en recherche en fin curieusement la cause, & la dit en ces beaux termes : *Spiritusne aliquis occultior os fontis, & fauces modò laxat, modò includit, prout in latus occurrit, aut decessit expulsus; quod in ampullis, cæterisq; generis eiusdem videmus accidere, quibus non hians, nec satis patens exitus. Nam illa quoque, quam prona & vergentia per quasdam obluētantis animæ moras crebris quasi singultibus sistunt quod effundunt? An quæ ocena natura fonti quoque, quæque ille ratione aut impellitur, aut resorbetur, hac medicus hic humor vicibus alternis supprimitur, & egeritur? an ut flumina, quæ in mare deferuntur, aduersantibus ventis, obuiòque aestu retorquentur? Ita est aliquid*

*quid quod huius fontis excursum per momenta repercutiat. An latentibus Venis certa mensura, quæ dum colligit quod exhausserat, minor est riuus & pigrior: is cum collegit agilior, maiorq; perfertur? An nescio quod libramentum abditum & cæcum, quod cum exinanitum est, suscitatur & elicit fontem: cum repletur, moratur, & strangulat. Scrutare tu causas.* Le tien donc que la cause pourquoy nostre fontaine tantost est asséchec, & tantost regorge en abondance d'eau, est, ou bien parce que les vents & exhalations enfermées dans le sein de la terre à diuerses reprises s'engouffrent dás les conduits & concauitez de la fontaine, & tantost ferment la bouche d'icelle, s'y pouffans impetueusement & abondamment, dont ils empeschét le iaillissement de l'eau: tantost ils la destoupent, eschapants par quelque endroit, & permettants libre issuë à l'eau qui estoit detenuë prisonnier.

Ceste mesme raison est apportee par Saxon le Grammairien, à vne mesme merueille qui se void es fontaines de Noage, & par Bocace en vne autre de la Zamaritié en Biscaye, qui tous les iours coule & se seiche par intervalles, iusques à douze & vingt fois. L'experience que Pline apporte des bouteilles, qui ont le col estroit, confirme grandement ce discours: & de là encor nous pouuons rendre raison de quelques fontaines merueilleuses, dont fait mention Leandre & Blondus, lesquelles, contre l'ordinaire des fontaines, seichent en hyuer & fluët en esté, comme on peut voir encor en Messine, en Sicile, à Ville-neufue en Portugal, & en plusieurs autres endroits. Ce qu'encores se voyoit (comme tesmoigne Philon) en vne autre qui couloit dans le temple de Salomon. Car nous pouuons dire, que lors de l'hyuer les exhalations enfer-

mées

mées dans les entrailles de la terre, à cause que le froid en a constipé tous les pores & les souspiraux, arreitent le cours de l'eau, qui coule librement quand la douceur du beau temps a degelé la terre & defermé les conduits de ses esprits prisonniers. L'autre raison que Pline aduance du flux interrompu des fontaines, prise du flux & reflux de la mer, d'où elles s'originent, auroit à mon aduis quelque lieu és fontaines voisines de la mer, ainsi que Pline le raconte d'un puits qui est aux Gades, & Ortel, & d'une fontaine d'Hybernie, & d'une autre pres de Bourdeaux, qui s'accomodent tres-bien, à raison du voisinage, au flux & reflux de l'Océan: mais en la nostre cela ne se peut raisonnablement dire: Plustost ie diroy, selon l'opinion d'Aristote, que ceste fontaine amasse ses eaux de l'air & des vapeurs resoluës & fonduës dans les concavitez du ro-

cher, lesquelles ne pouuant fournir à vn flux continuel, contribuent du moins à ce cours interrôpu ce qu'elles peuuent; l'eau ramassée par gouttes remplissant peu à peu le reseruoir interieur, iusqu'à ce qu'elle arriue à la bouche du canal qui la porte dehors.

QVE si ie doÿ confirmer mon dire de la bonté de l'air du lieu d'Aix en Sauoye, ie ne puis le mieux faire que par le naturel des habitans, lesquels sont gens fort affables, dociles, & si courtois aux estrangers, que ie ne sçauroy assez raconter leurs seruices & affections, & principalement leur deuotion à la tres-saincte des saintes Reliques, à sçauoir le saint bois de la Croix de mon Redempteur, lequel fust donné par saint Cirile à saint Ierosme, qui de sa propre main en forma & sculpa vn des rares Crucifix qu'on puisse voir. Il repose dans vn cledis doré sur le maistre Autel de  
l'Egli

l'Eglise collegiale d'Aix, & fust apporté en ce lieu par vn des Seigneurs de la maison de Seiffel, auquel, estant Ambassadeur en Constantinople fut donné, en la terre sainte, ce tant precieux ioyau de l'Eglise.

*La forme, & figure des Bains  
d'Aix en Sauoye.*

CHAP. V.



**P**OUR la situation & forme des Bains qu'on void en ce lieu, celuy de souphre est fait en mode de portique, auquel on descend par des degrez, pour s'y baigner & prendre de l'eau autant qu'il est necessaire. Il est pres les murs de la ville, ioignant le logis de la croix blanche, lieu fort commode à ceux qui veulent prendre les Bains, tant pour y estre bien traiçtez que pour sa proximité. Or comme la

nature est admirable, ou plustost le faeteur de toutes choses, il fait sortir à cent cinquante pas des eaux du souphre, vne fort claire fontaine d'eau alumineuse, laquelle ne se trouble iamais, ainsi que fait celle du souphre, qui est dans son receptacle tousiours blanchatre, comme l'eau dans laquelle les femmes sauonnēt le linge, coulant d'ordinaire en grande abondance, & avec vne telle chaleur, qu'on ne la peut presque supporter. Son eau est retenuë dans vn petit bastimēt quaré, prenant tant du costé du rocher, que de la ruë. Au plus bas de ces Bains, l'on y void le grand, qu'on nōme le Bain du Prince, tant pour les delices qu'anciennement les Serenifimes Princes de Sauoye y prenoyent, que pour sa beauté & bonne temperature: maintenāt on le tiltre du nom Royal, attendu que les Rois de France s'y sont baignez, & ç'a esté le Grād  
Henry



Henry de glorieuse memoire, lequel estant venu en Sauoye, visita ce lieu, & ayant veu les Bains les vns apres les autres, descendit de cheual vers le grand Bain, auquel, avec plusieurs Princes de sa Cour, il se baigna & l'aua, par l'espace d'une heure, avec autant de plaisir & contentement comme s'il eut iouy de la plus grande delectation du monde. Ce qu'il tesmoigna, disant, que tous les bains & estuues des Medecins de Paris & de France, voire mesme de l'Europe, ne valoyent rien au regard de ceux-cy. Et nō sans cause, car comme le Bain du Prince participe de deux sortes de fontaines, à sçauoir de la froide & de la chaude, le meslange en est si tiede & si bien proportionné, qu'il est impossible de pouoir rien sentir de plus delectable. C'est ce bain qu'Andreas Badius Elpidianus, Medecin autre fois fort celebre à Rome, dit auoir esté

cōstruit par Charlemagne, ainsi qu'on lit dás son quatrieme liure des Bains. Aussi est-il vrayement Royal, tant pour sa grandeur, que pour les belles galeries qu'on y void tout autour, & aussi pour sa fabrique & cōstruction, laquelle est de fort belles pierres de taille, & d'une figure quarree, ayant quatre entrees, par lesquelles on descend au fonds du Bain, par vne dixaine de degrez.

---

*Des Bains d'Aix en particulier.*

CHAP. VI.

**L**A diuision des Bains estãt faite, tant par leurs noms propres, que pour leur situation, & construction, ie viẽ aux vertus & proprietes que Dieu leur a donnees, tant pour faire voir sa merueille incomparable, que pour monstrier l'obligation que nous luy auons

auons de nous auoir donné & eslargi le vray & salutaire remede de nos doleances. Et pour ce faire, ie me seruiray de ce qui est rapporté par mon Galien, au liure quatrieme, chapitre premier de sa methode de guerir, auquel il dict, *Non tantum generales methodos Medicum didicisse profitetur, sed in singulis earum partibus exercitatum esse.* Et au liure neuueme, chapitre premier, *de decretis Hipocratis & Platonis:* & encores au premier liure *de locis affectis*, chapitre premier: *Circa res particulares Medicum exerceri oportet, qui singula artis suæ opera generali quadam methodo didicisse profitetur: cuique enim morbo sua est methodus.* Ce n'est pas le tout de sçauoir que l'homme en son genre soit raisonnable: mais faut descendre à l'indiuidu, & voir si Pierre est participant de raison, ou bien defectueux en sa propriété. Je n'auroy rien profité en cest œuure, si ie n'auoy touché

touché que le general & l'vniuersel  
des Bains. Il faut donc par methode  
& consequence philosophique, venir  
à leurs particulieres proprietéz : &  
pour ce il faut considerer qu'il n'y a  
corps si simple & pur au monde ele-  
mentaire, qui ne participe de la natu-  
re des autres. On void le feu estre ad-  
ioint à l'air, l'air avec l'eau, & l'eau  
avec la terre; de la mixtion desquels  
en sort vn tel tresor, que sans la syme-  
trie ou commodation des premie-  
res qualitez, lesquelles ont leur source  
& origine des elements, la nature des  
animaux ne scauroit long temps sub-  
sister en mesme estat. C'est ce que la  
Philosophie nous appréd, disant que  
les actions de nostre corps depédent  
d'vne certaine & bien proportionnée  
temperature, à sçauoir de la chaleur  
avec froideur, d'humidité avec sicci-  
té. Aussi nous voyôs tous les iours que  
les facultez, qui gouernent les ani-  
maux

maux se deperdent & diminuent par les maladies, causees d'intemperie, ou seule sans fluxion, ou avec fluxion d'humeurs: car nostre chaleur naturelle, qui est en nous comme fontaine de vie corporelle, est grandement endomagee, voire quelque fois esteinte & suffoquee par la chaleur estrange & surabondante. Ce que nous voyons aduenir en toute espeece de maladie, si promptement on n'y remedie: car les plus experts & scauans Medecins, comme Hippocrates & Galien, ont monstré, que l'essence & substance des maladies, n'est autre chose que la pleonexie des humeurs, ou les qualitez deprauees & excedantes d'icelles. Et ainsi qu'il y-a deux sortes de plenitude, l'une qui est nommee *plenitudo ad vasa*, en laquelle les vaisseaux du corps humain sont fort remplis: neantmoins sans aucune oppression des puissances naturelles: l'autre, qui est

est rapportee aux puissances de Nature, qui est dite, *Plenitudo ad vires*, en laquelle, combien que les vaisseaux ne soyent si grandement enfléz, & qu'il n'y ayt pas grande distention en iceux; toutesfois ils contiennent plus de bon sang, que nature ne peut gouverner & regir: & pour lors ce sang, qui participe des quatre qualitez elementaires, à la longue se corrompt, qui est le principe & l'origine d'une infinité de maladies: les qualitez aussi vitieuses & corrópues en nostre corps peuvent engendrer vne si grande cacochimie, qu'elle ne peut longuemét nous posseder sans incommoder & nuire les actions vitales, animales, & naturelles d'iceluy. C'est pourquoy surpassant & excédant les regles de la vraye & parfaicte mixtion, blessent la nature, & causent les maladies spécifiques tant du cerueau, du thorax, que du vêtre inferieur, ausquelles les bains  
font

sont grandement propres, tant sulphurez, qu'alumineux. Ce qu'estant ainsi, nous parlerons d'un chacun à part, & sous l'action particuliere & spécifique de leur nature. Nous commencerons donc par le souphre.

---

*De la nature du souphre, & s'il y-a des eaux sulphurees.*

CHAP. VII.

**L**E souphre, qui est l'un des mineraux de la terre, est un corps mixte participant de la nature des quatre elements, à sçauoir du feu, par sa chaleur; de l'air, par son bitume; de l'eau, par ses exhalatiōs humides; & de la terre, par sa pesanteur: Or d'autant que sa production est au lieu le plus concaue du dernier & infime des elements, comme dans la profondeur des plus grandes montagnes, par le feu sousterrain: & la pro-  
pre

pre chaleur qu'il a au troisieme degre, se rend si susceptible d'ardeur & feu si violent, qu'il consumeroit les montagnes mesmes, si le ciel ne l'auoit refroidi, par l'abondance des eaux qui coulent, par sa diuine prouidence, par tous les meandres & veines de sa miniere; c'est pourquoy estant susceptibles des odeurs & qualitez estrangeres, lesquelles leur sont communiquees par la nature des mineraux & metaux, sur lesquels elles passent, on ne se doit estonner si tant de belles & fort admirables fontaines se font veoir sur la surface de la terre ayāt mesme odeur, qualite & proprieté que le souphre, lequel avec son bitume sert d'entretien & de matiere au feu sousterrain. Que si l'eau passant sur le succe deuiet douce, sur l'aloes amere, sur le vitriol aigrelette, aperitiue, & refrigerante; aussi *per viam transcolationis*, les eaux sousterriennes retiendront



dront la nature & propriété des minéraux, sur lesquels elles passent: doncques il est assuré, que nous auons des fontaines qui distillent des eaux sulphurees & alumineuses, comme celles des Bains d'Aix en Sauoye : vitriolines, comme la fontaine de Vals en Viuaress: dissoluiues, & autres, comme celles de la Comté d'Ales aux Seuennes, laquelle a ceste tant admirable propriété, que de dorer les feuilles de laurier, & des œillets, en les trempant au dedans, comme si artistement elles auoyent esté dorees, ainsi qu'on fit voir ces années passées à la Royne de France, par vne quantité de fleurs qu'on luy manda à Paris toutes semées d'or: Aussi ceste fontaine passant par le plus noble mineral du monde, produit des effets du tout prodigieux & incogneus aux plus grands Philosophes du monde. Elle n'est pas seule qui plonge les beaux esprits dás

l'admiration de ses merueilles : on en void tant d'autres parmy l'Vniuers, lesquelles en leurs propriétez inexplicables ont les dedales & laberinthés pour ceux qui entrent en la contemplation de leurs essences ; mais point de sortie pour les cognoistre parfaitement, & en donner la vraye science. Le fleuve Clitumnus en Italie fera du nombre, lequel, au rapport du poëte Virgile en ses Georgiques, blanchit les brebis qui en boient, dont il dit :

*--Hinc albi Clitumne greges.*

Le Melas en Boecie, l'Acisus de Macedoine, & le Neleus d'Eubee fort belles fontaines, lesquelles noircissent quelle sorte d'animaux qui en boient, en feront de mesme: Comme aussi la fontaine troglotyde en Æthiopie, qui blanchit tous les serpents, qui noient en icelle, & les rend de cent coudées de longueur, s'ils y sejourneront long  
 temps:

temps : Voire mesme elle a vn flux de trois sortes de saueurs, l'vn amer, l'autre salé , & le dernier entierement doux , qui la fait estre vne des principales merueilles du mode. En l'Isle de Paros il y en a vne qui noircit le linge qu'on trempe dedans: Et en la forests Dodone , vne qui brusle en noircissant. I'en pourroy deduire vne infinité d'autres de mesme subiect. Mais l'eau sulphuree me retient , laquelle receuant vne perpetuelle ebullition par le feu sousterrain, qui brusle ordinairement dans la mine, venant à déborder hors de la terre, rend vne si grande chaleur & odeur , ainsi qu'on experimente tant au dehors, que dans le Bain : & n'estoit qu'elle coule de deux lieuës loin de sa sortie , ensemble les soupiraux & trous qui sont pres le mont Riual, & ioignât la maison de monsieur de saint Paul, dans vn petit pré , on ne la scauroit aucu-

nement supporter, ni mesme s'en baigner, pour l'excessiue chaleur qu'elle rendoit: & parce que l'eau sulphuree participe de quelque autre mineral, aussi bien que du souphre, il fera à propos de considerer sa nature, & sçauoir quel il est.

---

*Si l'eau du souphre admet point  
d'autre mineral en sa substance  
que le pur souphre.*

CHAP. VIII.

**L**Es Philosophes defendoient anciennement de ne declarer & mettre en la cognoissance du vulgaire les secrets de la Philosophie naturelle, de peur qu'estant cogneus, le public abusa d'icelle. A cette cause vn Orphee & Musce anciens Poëtes & Theologiens ont couuert le sens de leurs escrits sous des fables & fictions poëtiques. Les Pythagoriens

tagoriens auoyent accoustumé de dresser des sepulchres vuides comme à des morts, non seulement aux personnes qui fuyoient la science, mais aussi à ceux qui la diuulguoyent; à raison dequoy ceux de leur Secte, & les Platoniciens ont rempli leurs doctrines de fort difficiles enigmes, & voilé leurs mysteres de plusieurs figures. Le seul Heraclite sur tous les autres s'est caché sous l'obscurité de sa diction, & en a rapporté le nom d'obscur; les Medecins au contraire, avec Aristote, condamnant tous les deguisements des anciens Poëtes & Philosophes, nous ont laissé la vraye physique & doctrine des causes naturelles, par laquelle non seulement les fables & les enigmes sont reiettees & bannies d'icelle, mais toutes choses sont enseignées comme la nature les donne. C'est vn commun & asses diuulgué prouerbe: Qu'on iuge du Liq̃

par l'ongle: les excrements du fer, qui sont dans le receptacle du Bain du souphre, nous font voir & iuger, que nos eaux participent de sa nature : la fin de laquelle n'est autre, que pour empescher que l'eau sulphuree ne dissipe par trop, avec sa grande chaleur, celle de nos forces; veu que par vne chaleur excedante, celle qui est temperee en nous, se dissipe & pert, ainsi que la moindre lumiere est of-fusquee par la plus grande. Le tout est asses euident par la qualite refrigerate & dessicatiue du fer, laquelle mitige & adoucit l'ardeur du souphre, & red le fer du tout astringent, comme l'on experimente en l'eau ferree, qui supprime à l'instant les fluxions du ventre inferieur: ou en l'irrigation de l'esponge trempee dans l'eau calibee, de laquelle on se sert pour les hernies intestinales, & principalement en la dilatation du scrotum, qu'on nomme

entero

enterocele; par ses operatiōs qui sont  
facultez dépendantes du fer. Nous  
voyōs comme la mere commune des  
mineraux, à sçauoir la terre, le rend,  
quoy que crasse & grossier, vtile &  
profitable non seulement à defendre  
les villes & les Principautez du mon-  
de; mais aussi fauorable aux incom-  
moditez du corps humain: & bié que  
toutes choses soyent pour l'vsage de  
l'homme; heantmoins la Nature, si  
elle les associe & vnit par ensemble,  
quoy qu'il nous semble y auoir de la  
repugnance; fait si industrieusement  
bien son office, qu'elle ne produit rien  
en vain, & ne mēlange sans raison le  
fer avec le souphre; le bitume, nitre, &  
sel avec l'eau sulphuree.

*Du bitume, nitre, & sel.*

## C H A P. I X.



E n'est pas mon dessein de discourir des trois especes de bitume, à sçauoir du liquide, medioere, & solide, & parler d'vn chacun en particulier: seulement ie vüideray la difficulté qu'on met sur le tapis, à sçauoir si c'est vn vray & pur bitume tel qu'on prend en la mer morte, qu'on recognoit aux eaux minerales: ou bien quelques qualitez, prouenantes d'icelles? l'estime que ce n'est pas vn pur bitume, mais vne liqueur onctueuse, fusible, & adustible, si subtile & aëriene, qui sort de la substance des mineraux, que sans icelle l'eau sulphuree n'auroit aucune vertu medicinale, avec laquelle elle est tellement vnüe & coniointe, qu'estant vne fois enflammee, elle brusle de telle sorte, que l'eau ne la peut estaindre.

Cela



Cela est assez cogneu en la fontaine qui brusle, en la Prouince du Dauphiné, pres de Grenoble, & en certaines autres qui sont dans les monts Pyrenees. Mais comme le bitume (si bitume se doit nommer) est plus depuré & rendu plus subtil dans certains Bains, qu'en des autres, il sera fort conuenable de voir, si celuy des Bains d'Aix en Sauoye est meilleur & plus Medecinal que celuy de Bourbon l'Archambaut, de Baleruc en Languedoc; d'Aix tant en Auuergne, pres de Mandes, qu'en Prouence & Dignes, en la mesme Prouince, de Plombieres en Lorraine, de Bade, Vvitemberk, Rottenimberg en Allemagne, de Lalemberge, Vuisbaden Gastein, Bajoric en Boëme; des Bains Aponiens, à sçauoir sainct Pierre, Maison neufue, Montgrotte, sainct Barthelemi, sainte Helene, du mont Orthonien en Italic, della Porreta en Bononie, del Turri,

del poltroni, des matrones en Ferrare, de Luques, de Pise, de Hiene, de Monte-Catino en Florence, de Naples, de Sicile, de Nacros-campos, de Vinadum, ou Vine en Piedmôt. C'est vne chose tres-asséuree, qu'il y-a certaines parties au monde, où les minéraux sont plus parfaits qu'aux autres. On void au Leuant les fruiçts, les drogues, & les sucres meilleurs, qu'en l'Occident: que certains peuples sont plus martiaux en vne contree de la terre qu'en l'autre; & que de la diuersité des lieux en sortent des nations & gens dissemblables; si non en l'espece, du moins au parler, aux mœurs, & façons de viure: aussi parmi le bitume des eaux minerales, on treuve vne fort grande diference; si non de substance; du moins elle est du moindre au meilleur, du liquide au plus crasse. Or d'autant que celuy du Bain d'Aix en-Sauoye est fort liquide & espuré,

tant

tât par le long chemin que l'eau fait, auquel elle se depouille de toute sorte d'humeur glutineuse & visqueuse, que pour la grande quantité de nitre qu'elle a, par lequel le bitume est rendu plus net, plus subtil, & penetratif. A ceste cause les Bains d'Aix en Sa- uoye auront quelques operatiōs plus puissantes, que les autres. Et non sans raison : car comme la vertu de la plus grande partie des Bains de l'Europe gist aux bourbes & fanges, lesquelles sont grandement tardiues en leurs effets, attendu qu'elles incrassent ; & estoupent les pores du corps, voire mesme empeschent que l'eau ne puisse dilater & ouvrir les nerfs & les parties qui sont obstrues & opilees: le cō- traire est de nos Bains, veu qu'estant priuez de toute sorte d'excrements, ils ont leurs actiōs plus promptes & plus fouueraines. Que si encores l'eau du souphre a ceste tant grande vertu, que

que de ramolir le rocher, par lequel elle coule, & le reduire comme la ceruse, quoy qu'il soit d'une nature de pierre fort dure & difficile à ouurer, que fera-elle au corps humain & aux maladies d'iceluy, auxquelles on n'a besoin d'une si grande force & puissance? Veritablement ces bains serōt l'arsenal des plus signalez remedes de la Medecine, pour triompher sur les symptomes les plus violents, & les infirmittez les plus rebelles de nostre nature: voire mesme la main secourable de Dieu.

M A I S d'autant que le temperament du bitume est tel que d'estre chaud & sec, selon Galien, au second degre, quoy qu' Auicene l'aye faiect au troisieme, pour cela il ne sera priué des facultez & proprietez qu'il a de fondre, ramolir & attenuer, mesme de corriger le venin des serpents, de seruir aux gouteux, guerir les playes, la gratele

gratele & demâgeson du corps, dissiper l'asthme, ou difficulté de respirer, empescher le corps de putrefaction, ainli qu'on void par la mumie, que les Siriaques preparent.

LE nitre, qu'on nomme au iourd'huy *selpêtre*, que nos Bains ont tant dans le rocher que hors d'iceluy, à sçauoir aux murailles, nous fait voir qu'il est chaud au commencement du troisieme degré, & sec en tout iceluy, comme aussi salé, astringent, deterfif, purgatif & incisif; vtile neantmoins à desseicher les estomacs humides, à destréper les phlegmes adherants aux intestins, à guérir les œdemes, corriger les humeurs superflues de la matrice.

TOUCHANT le sel, les Autheurs en ont institué de plusieurs sortes, comme le sel fixe, le sel gemme, le sel ammoniac, le sel fossile, tel qu'il se treuve en Allemagne, sel Inde, sel nitre,

tre & sel naphtique, & tous sont reduits sous le naturel, ou artificiel. Pour le naturel, le fossile est le plus astringent, & ne se fond pas si tost que le marin: car les eaux passant par les veines de la terre, emmeinent avec elles, & fondent par leur chaleur tepide, ceste escume de mer, laquelle par l'adustion & feu sousterrain, auoit esté desseichee & conuertie en la solidité & substâce du sel. C'est pourquoy, comme il a les mesmes proprietéz du nitre, par ses vertus les eaux sulphurees receuront d'auantage de proprietéz, ainsi qu'on void par le sel, qu'on met dans la boisson; & elles seront non moins emerucillables, que la perpetuelle generation du souphre & bitume, qui entretiennent le feu sousterrain, est prodigieuse.

*Des*

Des qualitez, manifestes de l'eau  
sulphuree.

CHAP. X.



Es qualitez & proprietiez de l'eau sulphuree ne peuuent estre d'autre nature que de son agent, & cause efficiente: & parce qu'il y-a tres-grande relation entre la cause & l'effect, le poinct & la ligne, ainsi entre l'eau du souphre & le souphre mesme y aura telle proportion, que si l'agent eschaufe, resoult, penetre, deterge, & digere, faisant le tout *innata sibi virtute & proprietate*; l'eau, qui fait comme la cire au cachet qui tire l'impressiõ du mineral, sur lequel elle passe, agira *in similitudinem substantie acquisita*: c'est pourquoy l'eau du souphre sera par la chaleur du souphre deslicatiue: penetratiue, purgatiue, & desopilatiue par son nitre: adstrin

adstringente par le meſlange du fer; & par ſon bitume remolitiue & reſolutiue, propre véritablement aux reſtractiōs de nerfs, douleurs de ioinctures, paraplexies, & parfaites paralyſies: & qui plus eſt ſi excellente aux eſtomacs refroidis, aux corps cacochimes, aux melancoliques, hippochondriaques, coliques tant nephretiques, que venteuſes, opilations des hippocondres, iauniſſe, ſuffocation de matrice, vlceres des iâbes, herpes milieres, ſcabricie, gale, & en fin à toute forte de tumeur froide: meſme encores propre & vtile contre la morſure des ſerpents, ainſi qu'on void en ceux qui ſont dans le Bain, leſquels par la vertu de l'eau perdent leurs venins, & ne peuuent offencer perſonne.

Nous auons veu guerir toutes les ſuſdictes maladies par la propriété des eaux du ſouphre, en pluſieurs perſonnes, le nôbre deſquelles ſeroit trop



trop grand & ennuyeux de rapporter icy. Toutesfois pour tesmoignage plus certain, i'en produiray quelques-uns, commençant par Monsieur le Comte de Cartignan, seigneur fort sage & pieux, qui pour ses rares qualitez a merité d'estre le Conseil de Monseigneur le Prince Thomas; Ce fut luy qui fit l'entree aux Bains, sur le mois de May, pour des douleurs froides; aussi eust-il le bon-heur d'en auoir retiré le profit & vtilité le premier. Monsieur le Comte de la Valdisere, Cheualier de l'ordre de l'Ano-ciade de S. A. y estant venu sur le mois de Iuillet, pour des douleurs nephretiques, a remporté aussi la bonne disposition, qu'il en auoit desiré. Monsieur le Commandeur Dandelot estant tombé en des grandes re-  
tractions de nerfs & douleurs de ioin-  
tures, apres auoir vſé des eaux & des  
Bains, avec toute sorte de contenté-

ment, il s'est retiré en Piedmont en fort bonne santé. Monsieur de saint Paul de la Coste saint André, Seigneur bien qualifié dans le Dauphiné, ayant prins les Bains & les eaux, pour des douleurs de sciatique, il s'est porté tout dispos en l'armée du Roy, où il commande vne compagnie de gens-darmes. J'ay veu aussi en ceste ville Messieurs les Cheualiers de Proïanne, Duc, & Badaf, Gentils-hommes ordinaires de Monseigneur le Prince Thomas, lesquels tant pour la grauelle, douleurs aux genoux, obstructions au mezantaire, ont reçu les plaisirs salutaires d'une bonne disposition. Le Seigneur Jean Iaques, Escuyer de Monseigneur le Prince Major estant venu de Piedmont pour prendre les Bains, a esté grandement soulagé. Monsieur Veniat, & le sieur Antoine Michiel diront tant & plus des merueilles des Bains de Sa-  
uoye,

uoye , puis que par leur vertu ils ont esté guéris de sciaticques les plus defesperées du monde. Les Dames de S. André , Bazamont , & les Dames de Mont-fleury sçauent si les Bains sont profitables à leurs indispositions, veu que d'annee en annee elles obseruent l'ordonnâce de feu mōsieur de Ville-neufue. Madamoiselle Baly de Vienne a reçeu tel profit de ces Bains, pour des nerfs retirez qu'elle auoit, si qu'elle ne pouuoit ny marcher ny se soutenir sur ses iambes, pour le iourd'huy elle marche fort bien, & n'y sent plus aucune douleur. Que si elle en continuë l'vsage , i'estime que sa santé s'en perfectionnera. Aux grands maux, il faut des grands remedes, & de la cōtinuation. L'on s'estonne quelquefois quand vn paralitique ne guérit pas aussi soudain qu'il a esté aux Bains, le defaut prouient de ce qu'on ne les prend pas à propos: ou que l'on

y conduit les personnes qui n'en peu-  
 uent plus : ou qu'elles sont si aagees,  
 que la chaleur naturelle ne se peut re-  
 parer : comme ceste annee, j'ay veu  
 de deux personages, l'vn de sainct  
 Chamond en Lionnois, lequel estant  
 tombé paralytique vniuersellemēt de  
 tout son corps: & l'autre de Dijon, qui  
 estoit de mesme, les Bains ne leur  
 auoir riē serui, à cause de la longueur  
 du temps qu'ils auoyent supporté la  
 maladie, & leur trop aduancee vieil-  
 lesse. Et non sans cause, car à *privatio-  
 ne ad habitum non datur regressus*. C'est  
 aussi aux principes des maladies qu'il  
 faut courir aux remedes & aux Me-  
 decins, & lors qu'on a competem-  
 ment de la force: autrement la natu-  
 re manquant, tout le reste est su-  
 perflu & defectueux. Quelque fois  
 aussi, & le plus souuent, nos pechez  
 nous reduisent aux douleurs des plus  
 grandes maladies qu'on scauroit s'i-  
 maginer:

maginer: & comme elles seruent aux hommes de penitence, en eschange des fautes commises, ordinairement Dieu la donne si grande, qu'on ne peut guerir, ny estre soulagé, sans l'auoir fauorable.

I'AY fait vn peu de digression: mais ie reuien aux merueilles, pour vous en racompter deux autres fort remarquables, que i'ay veu produites des Bains d'Aix en Sauoye. L'vne fut en la personne de monsieur de Marteau, Gentil-homme tres-prudent & tres-discret: L'autre en celle de Messire Claude du Terrier, Seigneur du Reuel, & Chanoine de l'Eglise Collegiale d'Aix, aagez d'vne tréteine d'annees chacun. Estant tombez paralitiques de tout le corps, ayant prins les Bains, enuiron le mois de Iuillet, & obserué le regime de viuire, ils ont esté parfaictement guéris. Chose du tout admirable, car parmy lâ grande chaleur

de l'esté & Bains, monsieur de Marteau y demeuroit, les deux & trois heures de continuë, qui est contre l'ordinaire, ainsi que ie diray cy apres; mais le desir de guerir, & la rigueur du mal qu'il auoit supporté trois ans entiers, qu'il fut paralitique vniuersel, faisoit surmonter à son genereux courage, toutes les difficultez qui se presentoyent.

MADAME de Poligny, niepce de monsieur de la Fare, Gouverneur de l'Arcenac de Grenoble, estant subiecte à vn tremblemēt de bras, a prins les eaux & Bains si salutairemēt, qu'elle dict n'auoir rien peu rencontrer de tous les Medecins, de plus salutaire. Monsieur de Gramont, General de l'ordre de sainct Antoine, Grād Aufmonier du Roy, & Conseiller en son Conseil d'Estat: monsieur le Doyen de sainct Chef son frere, & monsieur Lanier tres-docte & bien experimen-  
té Me

té Medecin à Lyon, ont vsé de ces eaux avec bon succes pour leurs sciatiques. Monsieur de Barault Capitaine du Guet à Lyon, de mesme. Monsieur Coquet tres-honorable marchand Drapier de la mesme ville, a reçu telle benediction en ces Bains, qu'ayant perdu le marcher pendant huit mois, dans quinze iours qu'il print les Bains, il s'est trouué remis en tres-bonne conualescence, non sans grande admiration de Messieurs les Medecins de Lyon, & de tous ceux de sa cognoissance. I'ay veü plusieurs Capitaines & braues hommes venir aux Bains pour des blesseures qu'ils auoiét receuës aux sieges de Mōtaubá, Clerac, saint Antonin, & autres villes assieees par sa Majesté, & en guerir. Mōsieur du Aist, Preuost General du Regiment de Lorraine dé monsieur le Marquis de Seleran, ayant reçeu deux coups d'espee en la cuisse, & au

bras gauche, les nerfs s'estoyent tellement retirez, principalement au bras, qu'il ne s'en pouuoit ayder : Mais par l'vsage des Bains a esté réduit en sa fonction naturelle. Il peut dire aussi cōbien grande est leur vertu pour la collique, car estant tombé en vne passion illiaque, laquelle ie ne pouuoy ceder, ny guerir par clysteres, fomentations, huiles, & medicaments carminatifs ; ny mesmes par les bales de plomb, què ie luy fis aualer: en fin luy ayant conseillé de reprēdre les Bains, le faisant, dans peu de iours il a esté guery. Messieurs du Bourg & de la Pichetiere ayāt esté blesez de mousquetades au bras gauche, aux armes du Roy, vsant de ces Bains, ont esté grandement allegez.

*Q*UANT aux opilations, obstructions, & imbecillitez d'estomac, ie pourroy en rapporter vne infinité d'exēples: ie me contenteray de celuy  
 seule



seulement de madamoiselle de Chasteau-fort, tres-noble & tres-vertueuse Damoiselle, laquelle estant opilee, a esté deliuree par l'vsage des eaux & Bains. l'en pourroy dire autant de la fille de madame de Poipó de Montmeillan, qui a reçeu le mesme soulagement à mesme mal.

P O U R la melancolie hippocondriaque, & corps cacochime, deux honnestes hommes ayant esté Religieux chez les Reuerends Peres Capucins, & depuis fortis à cause de leurs infirmittez, ont reçeu du contentemét & de la conualescence en ces eaux. Monsieur Dife Gouverneur des Siles en Dauphiné, & le Capitaine Caüt Lieutenant des Gardes de monsieur le Connestable viennét vne fois l'annee commander aux Bains pour se redimer de maladie. De plus, vn tres-bon marchand de Lyon, nommé monsieur Clef, quoy qu'aagé de septante

ans, a prins telle habitude aux Bains de ce pays de Sauoye, qu'il les frequente annuellement depuis vingt ans, avec tel aduantage pour sa santé, qu'il ne se peut mieux. Les Bains aussi sont propres pour entretenir & fortifier la chaleur naturelle des gés vieux. On lit dans Galien *au liure de sanitate tuenda*, du Medecin d'Antiochus, lequel vsant des Bains fort aagé, vescu aussi maigre & vert iusques à cent ans, que s'il n'en eust eu que quarante. C'estoit le secret des anciens pour se preseruer des maladies, & se rendre forts & robustes. A ceste cause ils se baignoient plusieurs fois l'annee, tant en hyuer, qu'en esté. Car comme les gens vieux sont fort abondants en phlegme & pituite, qui sont humeurs froides, & par lesquelles ils tombent en des cruditez, & d'icelles aux fluxions immoderes du ventre, les Bains dissipent telles & semblables  
humi

humiditez, tant par les sueurs, que par la propre chaleur de l'eau, & fortifient si bié les parties tāt vitales, animales, que naturelles, qu'elles retournent au mesme degré de santé, si non pour la force virile, du moins en quelque cōsistence mediocre. Que s'ils sont dignes de loüange, ie diray, Que les Bains ont ceste merueille avec eux, que d'estre le seul medicament delicieux pour maintenir les sains, fortifier la nature languissante, & restaurer les malades. Ils sont la vraye douceur sans labeur, & ce feu sacré de la terre, qui estant marié avec l'eau, a de la corespondance au principe de nostre vie, & fait que nostre chaleur naturelle est mieux conseruee: car si elle excede par accident les limites de la raison, elle est retenuë dans la iustice d'vne loüable proportion, par l'humidité des Bains: si aussi elle est amoindrie, ce bon heur luy est communiqué,

muniqué, d'estre fortifiée par la chaleur viuifiante des eaux. Ce sont celles de l'Escripture, en laquelle il est dit; *Quæ spiritus Domini ferebatur super aquas:* ou comme les eaux de Siloë, qui faisoient autant de merueilles que les merueilles mesmes sont abondantes en la Nature. Pourquoy les Bains pres du Capitole de Rome, dressés par Festus Pompeius, & ceux du Pantheon & du Capitole faits par Vespasien & Agrippa, sinon pour reparer la nature defaillante, & conseruer la santé? Le grand maistre des Medecins l'a fort bien exprimé en ces paroles, au liure de aëre & aquis, sectio. 3. *Qui hac ratione mutationes aëris, locorum, aquarumque commoda persenserit, et is horum naturam cognouerit, plerumque sanitatis illi succedet.*

C'EST ce qui esmeut madamoiselle Mascranni, femme d'un des riches Banquiers de Lyon, & plusieurs autres

autres dames de la mesme ville , à rechercher leurs fantes par l'usage des eaux minerales de ce pays de Sauoye. Madame la Contesse Bugne du Piedmont les ayant prins pour vne foiblesse de reins , & Madame de Muriets de Grenoble , ne pouuant tourner le col , par le desbordement d'un rheume qui l'auoit aussi renduë astmatique , chantent toutes deux les merueilles de Dieu en ces eaux, pour auoir esté par elles deliurees de leurs infirmités.

Il ne sera hors de propos de ioindre à ce discours l'experience , que Monseigneur le Prince Thomas a commandé de faire à monsieur Atille son Medecin , homme fort expérimenté en nostre art, pour l'indisposition de Madame la Princesse de Modera sa soeur, & principalement pour la dureté & foiblesse d'ouye, de laquelle la Serenissime Princesse est incommodée.

dee. Pour l'experience l'on a choisi vne vefue de Chábery aagee de trente trois ans, laquelle ayant prins les eaux & les bains, durant trois sepmaines, auoit recouré quelque foulagement & meilleurement: mais parce que fa surdité est trop inueterée, ou qu'elle ne luy est pas suruenüe d'vn acouchement, ainsi qu'à la Serenissime Princesse, comme aussi qu'elle est de diuerse temperature, i'estimé que la susdicte vefue ne scauroit parfaitement guerir. C'est l'opinion de tous ceux de nostre profession, Que *Habitus deprauati si non citissimè curentur, sunt naturales.* Je passeroy plus outre pour discourir icy de la surdité, & scauoir si les Bains sont propres à ceste incommodité, n'estoit que ie referue le tout à vn autre chapitre.

*Des*

*Des qualitez occultes de l'eau  
sulphuree.*

CHAP. XI.

**I**L n'y a rien au monde, fait & composé de la main toute-puissante de Dieu, qui n'agisse ou par la matiere, de laquelle il est composé, ou par la forme qui l'embellit, ou de toute la substance. Nous voyons que les corps simples n'ont aucune action s'ils ne sont melez & vnis avec des autres, par la mixtion desquels ils puissent produire les effets selon leurs naturelles conformations. Et parce que les qualitez secondes sont necessaires à ceste vnion, l'on ne doit doubter que de la proportion qui en sort, tant de celles-cy, que des premieres, on ne voye le thresor admirable de leurs actions estre reduit sous la nature du  
dur

dur & du mol, du crasse & du subtil, friable, ou visqueux, par lesquelles qualitez nous voyons la difference qu'il y a entre la diuersité des alimēts necessaires à la vie humaine, les vns pour estre faciles à digerer, comme douiez d'une substance legere: les autres difficiles, à cause de leur grossiereté & pesanteur. Nous cognoissons de mesme, que si de la mixtion en sort, vne qualité prédominante, son effet appartiendra au temperament, & la consistance à la matiere du mixte. Et d'autāt qu'ō discerne vne autre actiō qui n'est dependante de la matiere, ny du temperament: mais seulement de la forme, comme au mixte parfait, à scauoir l'homme; elle n'aura rien de commun à nostre discours, attendu que nostre subiect est tout autre. Reste d'oc à voir pourquoy vne mesme chose produit des effets diuers, cōme la Rheubarbe, qui purge la bile, & la



la pituite, qui sont de nature du tout contraires; & l'eau sulphuree restraint & supprime aux vns les fluxions du ventre, aux autres les lache & prouoque à fluer: desseiche aussi & ramollit. De cé discours sort vne question qu'on demâde à resoudre, pourquoy & quelle est la cause, qu'un mixte irraisonnable, qui n'a qu'un seul principe & cause en son action, produise des effects si dissemblables, comme l'on void au Scorpion & à la Vipere, qui ont le mal & la santé pour effect, estans comme le iauetot d'Achiles, blessant & guerissant? C'est aussi le nœud Gordié qu'on dône à dissoudre aux Phisiciés & Medecins sur les merueilleux effects de la nature, & principalement en l'aragnee, laquelle enfermee dâs la pellicule d'un gland, guerit la fieure quarte, les cendres des escreuices la morsure des chiens enragez, & celles des cantharides prouoquent

l'vrine, & exulcerent la vessie, comme le lieure marin, les poulmons.

P O U R refoudre ces difficultez, & premierement touchant les qualitez occultes & effets contraires de nos eaux, ie respondray ce qu'a dit le Medecin de l'Empereur Oribase, en son liure 10. chap. 5. parlant des eaux: *Virtus & potentia aquarum sponte nascentium desumenda est, ex iis quæ experientia comprobantur: certamenim & exquisitam notitiam tradere non possumus.* Il faut, dit-il, cognoistre les eaux plustost par l'experience, que par la cognoissance qu'on desire d'auoir de leurs naturelles operations: & pour les autres mixtes, qui agissent par l'antipatie, ou sympatie qu'ils ont enuers le corps humain, i'adhere à ce que Fernel en a dit, en son liure 2. de abditis rerū causis, chap. 17. *Sunt quedam arcana & multis rebus abdita, quæ nos natura mirari potius, quàm scire voluit.* Alexádre le Philosophe en a dit de mesme, au premier

2 ses problemes, *Que substantiæ rerum sunt inexplicabiles:* & quoy que Pelops, le maistre de Galien, aye voulu dire, qu'il n'ignoroit pas les causes de tous les effets de la nature; neantmoins en icelles *caremus cognitione veri:* & ayant esté reprins par son disciple, nous sommes contraints d'aduouër avec luy, que *occulte rerum proprietates nulla ratione sunt inuestigande.*

---

*Questions necessaires au Traicté de l'eau du Souphre.*

CHAP. XII.

**L'**ON demande premieremēt, Pourquoi l'eau du souphre n'est pas si chaude, que celle de l'alun, puis que le souphre est plus suceptible de feu, & qu'il est parfaitement chaud au troisieme degré, & l'alun au commencement d'iceluy? Secondement, pourquoi l'eau tant de l'alú, que du souphre, est plus chaude

sur le soir & matin, qu'en plain midy comme aussi auant la pluye, qu'apres la pluye? Troisiemement, pourquoy elle est si trouble & blanche dans son receptacle, plustost qu'en sortant de sa source, en laquelle elle est aussi claire que l'eau de la plus limpide & cristalline fontaine du monde? En quatrieme lieu, pourquoy ses deux tant celebres fontaines ont des vapeurs si grandes sur le matin, iusques à dix heures, & point sur le soir? Que si elles sont vaporeuses & fumeuses vers le tard, c'est signe manifeste de pluye, ou de gresse, ou de tonnerre?

QUANT à la premiere difficulté, l'on dira, que c'est le peu d'exhalation que la fontaine de l'alun a: car, comme disent les Philosophes, *virtus unita maior est seipsa dispersa*. L'on void les corps en hyuer estre plus chauds qu'c'esté, auoir meilleur apetit & digerer plus facilement qu'aux chaleurs esti-  
uales.

uales. C'est qu'alors la chaleur du corps se concentre, & est plus vnice qu'en esté: & pourcé les estomacs en estant fortifiez, font mieux leurs fonctions pour la conseruation du corps.

P O U R la seconde curiosité, l'on void clairement, que c'est l'antiperistase, qui cause ceste grande chaleur, laquelle est fortifiée plustost sur le matin & soir qu'en plain midy. Raison qui est receuë des Philosophes, veu que le froid externe, tant du matin que du soir, chassant la chaleur du souphre dans son mineral, & faisant le tout par sa contraire oppositiõ, excite vn plus grand feu. Ainsi que nous auons par l'experience du feu des fornaises du fer, lequel est rendu plus ardent & propre à brusser le fer, par l'addition de l'eau qu'on y iette, que s'il estoit exhalé & euaporé.

A la troisieme difficulté, quelques vns disent, que c'est l'air externe qui

espaissit l'eau & la rend ainsi trouble, raison qui n'a point de poids: car si c'estoit l'air qui fut la cause de son espaisseur & troublement, il en feroit autant en la fontaine de l'alun, laquelle demeure tousiours claire. Les autres disent, qu'elle pert sa chaleur dans son portique, & par ainsi elle s'espaissit & trouble. Je diray tout de mesme de ceste raison, que de la premiere: car l'eau alumineuse estant refroidie, est aussi claire qu'auparauant. Il faut donc que ce soit quelque plus grande cause qui agisse & produise cet effect. Pour moy, i'estime que c'est le bitume, ou humeur onctueuse, qui sort du souphre, laquelle estant recueillie & agitee dans son receptacle, fait que l'eau deuiet trouble & blanche. Ma raison est fondee sur la demonstratiõ qu'on fait de l'huile du souphre, ou du benjoin, duquel si l'on en verse deux ou trois gouttes d'asvn pot d'eau  
de

de fontaine, à l'instant elle se change & devient blanche & trouble comme laiët, ainsi qu'est celle du Bain du souphre.

P O U R la dernière demande, elle s'accorde avec la responce de la seconde question. Toutesfois il n'y aura point de mal que i'exprime le tout le plus brievement que ie pourray. C'est donc la contraire opposition, qui est entre le froid & le chaud, laquelle produit & red l'eau plus chaude, & par ainsi exhale d'avantage de vapeurs & fumees sur le soir & matin, lesquelles cessent aussi tost que le Soleil darde ses clairs & luisants rayons dans l'opacité de l'eau sulphuree, & du brillat cristal de l'eau alumineuse. Autant en peut on dire sur l'observation & changement du temps: car jamais les Bains ne rendent aucunes fumees & exhalations, que l'air ne soit refroidi, ou bien rendu obscur & ne-

buleux. Je voudroy en suite parler des proprietéz de la fontaine d'alun: mais ce sera au second liure de cest ceuure, pour obseruer l'ordre & la methode requise en toute science.

*Methode generale pour prendre  
les Bains.*

CHAP. XIII.

**D**IEU a esté si admirable en la production & creatiõ de toutes choses, qu'outre le principe de vie, & la vie mesme qu'il leur a donné, il a establi vn si bõ ordre parmy leurs conditiõs & durees, qu'elles n'oseroyent, ny mesme pourroyent, aduancer & reculer leurs mouueméts ordinaires, sans causer quelques grãds accidents en leurs natures. Aussi parmy les remedes que nous deuons prendre, soit pour guérir les maladies, auxquelles nous sommes subiects, soit  
pour



pour nous entretenir en santé, la methode est si necessaire, que sans icelle *Qua data porta ruit*. L'on void que si tost qu'une maison est dereglee, tout se perd peu à peu, & de riche deuiet fort pauvre. La confusion estant dans vne armee, quand elle seroit de deux cents mille hommes, les chefs n'ont plus de pouuoir sur leurs soldats, les soldats de force, ny les armes des homes, pour faire quelque bõ effet. C'est donc l'ordre qui establit toutes choses & les maintient en leur perfectiõ, lequel nous deuous obseruer prenant les Bains.

IL est veritable que ceux qui võt aux Bains, ont besoin d'une bonne conduite, & d'un regime de viure autant exquis & particulier, comme s'ils faisoient la diete: car les eaux par leur chaleur subtile attenuant le sang, esmeuent des grandissimes sueurs, auxquelles si on se refroidit, si on mange

quantité de fruiçts, d'herbes froides & salades, ou qu'on fasse des excès de bouche, (ainsi que plusieurs gens de reglez, qui ne se soucient de la briueté de leur vie, pourueu qu'elle soit delicieuse,) l'on ne peut qu'empirer, attendu que la vie desordonnee, & l'vsage des herbes refrigerantes, & des fruiçts crus defont, refroidissent, & destruisent la chaleur natieue de l'estomac: & par ainsi manquant à la digestion, tout le reste du corps s'affoiblit & deuiet caeochime, & impur. Le diuin Hipocrates disoit: *Ventriculi segnitias, vasorum impuritas, omnium confusio.* Quand les hommes prennent vn renouueau, il faut qu'ils vsent des aliments les plus nutritifs, se fassent bien seicher, ne sortent que deux heures apres auoir prins les Bains, se gardent du Soleil, & sur tout du serain:

LA façon de les prendre vtilemēt est telle. Il faut bannir de soy toute  
forte

sorte de melancolie: autrement le corps ne sera iamais en bon point, auquel l'esprit sera triste: car, comme dit Auienne: *Corporis temperamentum sequitur animi oblectamentū.* Que si l'esprit n'est pas content, le corps sera toujours inquiet. On le void aux amans, qui occupant leurs esprits sur les rares beautez de leurs maistresses, desseichēt tellement leur corps, pour des flatteuses & du tout vaines conceptions, qu'en fin ils sont reduits secs & arides cōme du bois. Qu'on vienne donc content & ioyeux: neantmoins avec ce courage de supporter tout ce qui sera necessaire pour nostre bien, soit en l'usage des medicaments, qu'on prend ordinairement avant qu'entrer aux Bains, soit qu'il survienne des inquietudes, alterations, lassitudes, & douleurs, tantost en vn bras, tantost en vne espaulle, ou sur vne cuisse, & en fin par tout le corps: car les Bains en leur prin

principe, & lors qu'on commence à les prendre, renouellent toute sorte de douleurs & de maux: mais quelque temps après, chassant & dissipant la cause du mal, les douleurs cessent, & le corps se sent tout sain & gaillard. Cela se void en ceux qui prenant les Bains, obseruent vn regime de viure conuenable à leur naturel: & tout au contraire à ceux qui proposant d'entrer par la sagesse, dans le paradis de santé, se laissent aller par les plaisirs des femmes impudiques dans l'Enfer des plus violentes douleurs qu'ils ayent auparauant ressenties: si bien que venant aux Bains boiteux d'une jambe, s'en retournent estropiez des deux. C'est ce malheur qui est auiourd'huy si grand, qu'on void ces monstres de nature, se glisser dans les armées pour abattre & effeminer le courage des plus valeureux Capitaines du monde: & venir aux Bains pour dissiper l'humidité

midité radicale des corps les plus sains, & destruire plus dans vne heure, que toutes les eaux ne sçauroyent reparer dans vn mois. C'est aussi ce qui a faict dire à vn certain personnage: Qu'une femme l'auoit faict, mais qu'une autre l'auoit desfaiict. Aristenes auoit bonne grace, lors qu'il disoit, Que Socrate viuoit philosophât avec la vertu, mais le sachât aux portes de l'impudicité, & sous le vice, il l'estima mort estant encores viuant. Doncques qu'on prenne bien garde de ne se licentier à des plaisirs & debauches extraordinaires, attendu que les Medecins ont beaucoup de peine de regler & corriger les excès de deperdition de substance. Or parce que la methode de prendre les Bains consiste en trois points; à sçauoir au regime de viure; aux remedes qui sont tant pharmaceutiques, que chirurgicaux; & aux choses necessaires, lesquelles

quelles on doit porter avec soy pour euitier les dangers & infortunes qui suruiennent par la communication du linge. A ceste fin l'on aura sa provision de linçeuils, seruietes, chemises, calsons, robes longues de chambre bien fourrees, & des pantoufles. Pour tout ce qui depend de la Medecine, l'on trouuera en ce lieu tout ce qui sera necessaire aux malades, Monseigneur le Prince y ayant pourueu, & ordonné. Pource n'en parleray-ie: mais seulement de ce qu'il faut obseruer prennant les Bains.

EN premier lieu, qu'on soit preparé comme il faut, & bien purgé auparauant. Ce qu'on fera conuenablement, si l'on considere que pour faire vne bonne & vtile purgation, il faut que le medicament soit valide & accommodé à l'humeur qu'on doit eua-cuer, & que la nature soit robuste pour moderer la purgation. En outre  
que

que les voyes & conduits, par lesquels le medicament doit passer, soyēt ouverts & libres, autrement la purgatiō seroit inutile & imparfaicte. Car si l'humeur est retenu en vne partie dense, obstruse & opilee, quoy que nature soit forte & robuste, estant irritee par le medicament, la purgation ne sçauroit succeder au profit du malade. A quoy les practics Medecins obuient par la voye des preparatifs, qui sont faits diuersement, tant selon la qualite des humeurs, que l'habitude des corps infirmes. A ces fins ils ordonnent des clysteres, iuleps, aposemes, syrops, bouillōs, & autres qu'on peut prendre auant la purgation, qui est pour rendre les humeurs fluxibles. Secondement qu'on n'entre pas au Bain estant par trop foible, & lors que le soleil dōne au dedans, ny aussi ayant l'estomac rempli de viandes & des aliments. En outre, que les femmes

mes

mes, qui ont leurs menstrues, & les hommes qui sont atteints des hemorroides s'en abstiennent pour quelques iours, & iusques à ce que la rigueur de l'hemorragie soit passée: ou que la nature aye tout supprimé. En troisieme lieu qu'õ ne se baigne point lors que l'air est froid, & qu'il fait tẽps de pluye, attendu que la pluye & le froid externe, peuuent congeler les humeurs, & causer quelque morfondement. En fin on doit tascher que les euacuations naturelles des parties du corps humain, & par lesquelles les excrements se purgent, soyent laches: & qu'on viue modestement. A ceste cause ie diray quelque chose du regime de viure, qui depend de la methode generale.

*Du*



*Du regime de viure ; qu'il faut  
observer aux Bains.*

CHAP. XIV.



**A**VELIAN très-docte Me-  
decin dit: Que la diete, ou  
regime de viure, est la con-  
seruation de la santé, & la  
guerison d'une infinité de maladies.  
Il consiste en la distribution de l'air,  
du boire, du manger, du repos & exer-  
cice, inanition, & repletion, de la ioye  
ou tristesse, & autres passions de l'es-  
prit.

DE l'air ie diray seulement, qu'on  
le doit choisir agreable & propre aux  
malades, pour les preseruer tant estât  
aux sueurs, que dehors. Et pource l'on  
doibt rechercher le plus temperé.

QUANT au manger, le meilleur  
est de prendre des aliments les plus  
succulents & nutritifs qu'on pourra

trouuer, soit au pain bien cuit, leger, molet & vn peu salé, soit és animaux, comme des domestiques, les poulets, chapons, pigeonneaux, mouton, & veau. Des champestres, les perdrix, phaisans, gelinotes, griues, merles, alouëttes, cailles, & tourdes: Et des poissons, truites, hombies, loches, tenches, perches, lauarets, escreuisses, & autres des eaux & fontaines fort nettes. On se doit abstenir de toute sorte d'espicerie, excepté de la muscade, & canelle. Les viandes grossieres & pesantes estant difficiles à digerer, sont fort nuisibles; à ces fins on n'vsera de chair de bœuf, lard, cerf, biche & sanglier, ny d'aucune sorte de patisseries. Aussi des fruiets cruds, chastaignes, cerises, melons & cocombres, on n'en doit manger que par sobrieté & discretion: non plus des legumes, excepté l'orge mondé, que Galien & Hipocrate ont tant recommandé en  
la

la Medecine. Les salades & compostes ne sont aucunement propres.

ON pourra dîner entre dix à onze heures, & auoir pour entree de table les pruneaux de Tours bien cuits & sucréz, & des bouillons faits avec la chicoree, ozeille, scariole, laiçtue, buglose, borage, pinpinelle, & autres qui peuuent tenir le ventre libre. On prendra garde que sur le matin on aye plustost les viandes bouillies, que rosties, & au souper tout le contraire: neantmoins les poires & pommes cuites sous les cendres chaudes, avec l'anis, ou fenail de Florence, seruiront de dessert. Pour le boire, le vin bien trempé est plus recommandable, à cause de l'alteration & soif, de laquelle on est ordinairement atteint prenant les Bains, que si on le boit tout pur. On fera rafraichir de l'eau de la fontaine d'alun, pour en vser avec le vin le long des repas: car elle rafrai-

chit, nourrit & defaltere ceux qui en boiuent. Que si on se sent par trop alteré, ou eschaufé, on prendra de la ptisane, du bouchet, de l'eau simplement succree, ou de l'eau panee. Sur le matin, auant qu'entrer au Bain, on peut boire vn doigt de vin, apres auoir mangé quelque peu du pain rosti, ou quelques confitures; comme paste de Genes, escorce de citró, gorge-d'ange, cotignac, conserue de rose, ou apres quelques iaunes d'œuf. Sur l'apresdinee, ceux qui sont foibles & qui sont grandemēt delicats, prendront demy heure auát qu'entrer au Bain, quelque rostié au sucre, ou biscuit de Geneue. Sur tout on ne doit iamais se baigner, le ventre chargé, ou farci de viande. C'est pourquoy on met d'vn bain à l'autre, le temps de six à sept heures, à ce que la digestion soit faicte. Les apresdisnees sont destinees aux exercices ioyeux, aux colloques

loques & discours fabuleux des compagnies, & à toute sorte d'honneste recreation.

3. QVANT au dormir & veiller, il est aussi expedient qu'on donne à la nature ce qu'il luy est necessaire. A ces fins deux heures apres le souper, qu'on prend en esté sur les six à sept heures du soir, on va reposer & dormir, pour le lendemain matin estre esueillé sur les quatre heures, à ce que dans vne heure apres, les hommes puissent entrer aux Bains, & vser du temps qu'ils ont depuis les cinq heures iusques à sept, qui est l'heure destinee & cõmode aux femmes pour prédre les Bains, veu qu'elles dorment quelque peu d'auantage que les hommes. On doit fuyr le sommeil du midy, car c'est vn repos qui engendre des rheumes, suffocations, & des mauuaises humeurs rât dás le cõrueau, qu'en toute l'habitude du corps, plustost qu'vne bonne

nourriture: & comme le trop dormir est nuisible, aussi les grandes veilles sont preiudiciables: de mesme les grands exercices, & principalement au soleil & serain. C'est pourquoy on fera quelques petites promenades vers les beaux & agreables iardins de la ville, tant auant le disner, que souper, & principalement vers l'arbre de l'Appetit.

T O V C H A N T l'inanition & repletion on doit aduiser que les humeurs ne soyent par trop abondantes, & que le ventre inferieur ne soit paresseux à vuidier les excrements. La ioye est fort recommandable, comme i'ay dit cy-deuant. Les coleriques, picocoliques, misatropiques, studieux, & autres, qui ont des passions dereglees tant pour leurs affaires, negoces & occupatiōs domestiques, que pour les sciences, ausquelles ils sont employez, doiuent faire trefue pour quelque

que temps, veu que les Bains veulent  
& le corps & l'esprit quiet.

*Remedes necessaires à ceux qui  
prennent les Bains.*

CHAP. XV.

**T**OUT ainsi qu'un Peintre ne  
sçauroit bien faire, sans les  
couleurs qui luy sont neces-  
saires: ny le soldat sans ses armes: ainsi  
le malade sans les armes des remedes  
ne sçauroit conquerir vne bonne san-  
té. Or côme les remedes sont diuers,  
selon la diuersité des complexions  
des hommes, i'en descriray quelques  
vns particuliers à chacune comple-  
xion.

LES melancoliques, studieux, &  
gens addonnez aux lettres: & les fem-  
mes qui sont delicates prendront l'v-  
sage du fenné oriental bien mondé, &  
infusé vn soir auparauant dans l'eau

du souphre la pesanteur de deux ou trois escus, y adioustant vn peu d'anis concassé, avec vne branche de regalisse. Que si on est fort constipé, l'on y resoudra vne once & demy manne de calabre, ou deux onces sirop rosat solutif.

P O U R les coleriques, les tablettes de succo rosarum, la pesanteur de six à sept dragmes suffiront, en les destré-pant avec l'eau du Bain. Ou bien vne composition qu'on faiët avec l'infusion de rheubarbe, & vn peu de canelle, ou spica nardi, en laquelle on destrempe le lenitif de manne la quantité de six dragmes, & vne once & demy de sirop de chicoree, composé avec le rheubarbe.

L E S phlegmatiques & pituiteux, comme sont ceux qui sont subieëtés aux rheumes & defluxions, les tablettes de diacarthami, la quantité de six dragmes, ou vne once pour les plus  
diffi



difficiles à purger, destrempees dans l'eau du souphre, seruiront de médicament purgatif. Ou bien si on veut, l'on fera infuser du mecoacam, ou ialap la pesanteur d'un escu d'as la mesme eau: & sur les cinq heures du matin chacun prendra selon son naturel la medecine qu'il luy sera propre & utile: se defendant du sommeil, quoy que Fernel l'aye recommandé pour vne demy heure. Et d'autant que les vapeurs du remede sont la cause d'un assoupissement: neantmoins les purgatifs sont quelque fois si benins & doux, que si les malades dormoyent apres les auoir prins, ils seruiroyét par la vertu digestible du sommeil, plustost de nourriture que de médicament. C'est pourquoy le moins dormir, c'est le meilleur: *nam si vis mouere eleborum, moue corpus.* Plusieurs aussi s'ont d'aduis qu'on ne donne rien à manger à celuy qui aura prins medecine,

que premierement l'operation ne soit  
faicte: toutesfois il suffira de prendre  
vn bouillon faict avec des herbes re-  
frigerantes & cordiales, lors que le re-  
mede sera descédu dás l'estomac. Ce  
qui se cognoit, quand il ne dónne plus  
de nausée, ou qu'on a esté trois ou  
quatre fois à la chere-perçee: autre-  
ment la viande qu'on mangeroit, se  
corromproit par la mixtion de la me-  
decine. On doit prendre garde d'estre  
en vn lieu temperé, & non subiect au  
vent: car faisant le contraire, l'on est  
en danger, que les humeurs esmeuës  
& agitees par le remede, ne soyent  
tirees à la superficielle partie du corps,  
& qu'en telle attraction ne s'engen-  
dre vne plus grande maladie. A ceste  
cause on tiendra chambre: car plu-  
sieurs pour auoir sorti au iour du pur-  
gatif, sont venus en telle foiblesse &  
resolution des puissances naturelles,  
qu'il a esté grandement difficile de  
les

les remettre. Or d'autant qu'on prend les Bains vn iour apres la medecine, ou la boisson des eaux, ie diray maintenant comme l'on en vse.

---

*La façon & maniere comme l'on prend les Bains & les eaux.*

CHAP. XVI.

**L**E iour apres auoir esté purgé, on peut entrer au Bain du souphre, ou boire les eaux: mais veuque plusieurs se seruent de la boisson l'espace de trois iours auant prendre le Bain, tant pour ouvrir les obstructions des parties nobles, que pour entierement purger le corps; pour ceste cause la boisson precedera l'usage des Bains. Donc pour commencer, apres auoir esté deuëmēt mediquementé, on peut prendre les eaux, & principalement celle du souphre, & ce sur

ce fut les cinq heures du matin, & la quantité de cinq à six liures, neantmoins chacun selon la portee de son estomac, pour ayder la faculté purgatiue & deterfiue de l'eau. On adiouste à toutes les doses, ou verres d'eau qu'on boit vne dragme du sel cõmun bien puluerisé. Ayant beu la quantité prescrite, l'on se promeine iusques à ce que l'operation soit faiçte. Les femmes qui ne peuuent marcher ny aller aux chãps, tiennent chambre.

LE mesme regime de viure est obserué pour les alimens, en la boisson des eaux, que si on auoit prins medecine: c'est pourquoy on ne mange point de quatre heures après, sinon quelque peu d'anis confit, ou escorce de citron, pour corriger l'odeur de l'eau sulphuree. On reitere la mesme chose pendát trois iours, comme i'ay dit, attendu que ny la nature, ny le remede ne peuuent dans vne journee  
expul

expulser tant de mauuaises humeurs, qui se trouuent dans les corps cacochimes. Ce seul medicament a esté autresfois tant recommandé par nos Autheurs, que mesme Galien, *au liure 4. de sanitate tuenda*, l'ordonne par singularité aux obstructions des hypocondres: Paul Æginete pour la lepre, Alexandre Tralian pour la colique véteuse, & Renale pour nettoyer les vlcères de la matrice. Les eaux ouurent les opilations des veines mesaraïques, penetrent, eschaufent, desseichent, & fortifient les facultez naturelles; à sçauoir l'attractrice, concoctrice, & expultrice: remettent le foye & la rate en leurs ordinaires fonctions: & par ce moyen on cuite l'hidropisie, laquelle ne prouient que de l'interperie de ces deux parties, guerissent aussi les passes couleurs des filles, & la vermine des petits enfants. Plusieurs sont en scrupule, & font difficulté

culté de se baigner le iour de la boisson, & c'est sur l'apresdinee, ie desire les resoudre & sortir de ceste peine.

Qu'vn chacun considere ses forces. Que si on est par trop foible, l'on aura patience iusques à l'entiere purgation desdictes eaux. Aussi il me semble, que c'est en quelque façon rompre le mouuement & action purgatiue du remede, & mesme de la nature, laquelle estant occupee à l'euacuation des humeurs peccâtes, est diuertie par le Bain, qui par sa chaleur eschaufe & restraint le ventre. En outre on est si alteré & debilité toute la iournee, qu'estant plus trauaillé par le Bain, on court le danger de tomber en quelque fièvre continuë, ainsi que i'ay veu arriuer à plusieurs, qui pour suiure l'opinion des payfans, & gens ignorans qui baignent les malades, ont esté contraints de cesser les Bains huit iours, & iusques à ce qu'ils fussent

fussent hors de fièvre, & plus robustes. Cependant si par hazard les eaux ne faisoient point d'operation, comme il arriue le plus souuent en ceux qui sont durs de ventre, il faudra auoir recours aux clysteres.

QUANT à la façon & maniere de prendre le Bain, il y a six choses, dignes de consideratió. La premiere est la boisson des eaux, de laquelle nous auons assez amplement parlé. La seconde le téps, ou la saison, en laquelle on se baigne: & l'heure du iour tant au matin, que sur l'apresdinee. La troisieme le seiour qu'on fait dás le Bains. La quatrieme l'irrigation, ou douche. La cinquieme les cornets. Et la derniere les estuues. Pour la saison, la printemps, & l'automne emportent le prix sur les autres de toute l'annee: & comme on faiét l'entrée aux Bains sur le quinzieme de Iuin, dans ce pays de Sauoye, à cause que la regió se trouue

vn peu plus froide qu'il ne seroit necessaire: aussi l'on fait la fin & la closture sur le quinzieme d'Octobre: ou bien plus tard, si les pluyes de l'Automne n'incommodent les malades, ou corrompent les eaux. Les mois auxquels les Bains fleurissent, sont, Iuin, Iuillet, & Septembre: Aouÿt, à cause de la canicule, est plus mauuais & dangereux.

LE temps & l'heure qu'on doit entrer dans le Bain, ie l'ay déjà prescrite au chapitre du Regime de viure, & c'est pour le matin seulement. Sur le soir on se baignera à quatre heures precisement. Il est vray qu'on peut prendre les Bains plustost, ou plus tard, selon la diuersité des saisons: comme sur le printemps, vn peu plus matin, & à l'automne & mois de Septembre, d'vne heure & demie plus tard.

P O U R le seiour des malades dans  
les



les Bains, c'est d'une petite demy heure : car tout aussi tost que le cœur manque, ou qu'on abonde en sucurs sur le visage, alors il faut se faire porter hors du Bain: autrement on tomberoit en syncope: quoy que plusieurs forcent leur courage à se baigner le plus longuement qu'ils peuvent, tant pour resoudre & dissiper leurs infirmités, (comme quelques vns qui demeurēt dans le Bain du souphre, trois heures continuellement:) que pour profiter le tēps qu'ils ont pour se baigner: neantmoins ces excès ne sont bons, que pour ceux qui sont entierement paralitiques: comme il y a trois ou quatre années, qu'un pauvre Suisse, qu'on auoit apporté de par delà Geneue, seiournoit nuict & iour dans le Bain, & n'en vouloit sortir qu'il n'eust recouuré le mouuement progressif. Ce qu'ayant obtenu du ciel, & des proprietés de ces eaux, crioit en son

langage, & en plaine place, les grandeurs & merueilles de Dieu, & des Bains.

Q V A N D l'on sort du Bain, il faut se couvrir d'un linçeuil bien sec, & d'une robe de chambre; & se mettant dans vne chaire, chacun se fait porter dans son logis, où l'on se couche dás vn liçt bien chauffé, pour suer vne bonne demy heure durant: Et si tost que la sueur commence à finir & passer, à l'instant on se fait seicher, sans prendre de l'air, ny s'euenter guieres. Ce qu'estant ainsi, le chef doibt estre le premier en dignité, & apres on suit toutes les autres parties du corps. Que si on ne peut suer, l'on doit librement se faire donner vn plain verre d'eau alumineuse toute chaude, & telle qu'õ la porte de la fontaine: car par sa grande chaleur, les humeurs sõt attenuées & tellement rarefiées, que tost après l'auoir beu, on a tant & plus de sueur.

Les

Les malades peuuent faire le mesme, s'ils sont alterez & sitibondes, estant dans le Bain. Les vns se baignét quinze iours: les autres vingt, qui plus qui moins, chacun faisant selon l'exigence du mal, ou les commoditez qu'il a. Quoy que soit, on ne doit point manger d'une heure apres auoir esté seiché, ny mesme sortir de la chambre. Ceux qui se changent d'un liét en vn autre, pour estre plus au sec, ne font que bien pour leur santé:& mesme s'ils sont par trop foibles, de ne prendre qu'une fois le iour le Bain. Il y en a, qui estant atteints de douleurs, taschent encores de les dissiper par vne autre façon & vsage different des Bains, que l'experience leur a enseigné, qui est par la douche, les cornets, & estuues, desquels nous parlerons maintenant.

## De la douche, cornets, &amp; estuues.

## CHAP. XVII.



A difference qu'il y-a entre la douche, les cornets, & les estuues meriteroit vn chapitre à part, pour deduire sans confusion ce qui se peut dire de leurs proprietéz; mais parce que la plus grande partie des sciati- queux, galeux, gouteux, & vlcerez a besoin des cornets apres la douche (qu'on nomme Gousse en vulgaire) il ne sera que bon de les marier par ensemble, & y adioindre par apres les estuues. Pour commencer, ie diray, que la douche est vn remede particulier, dependant neantmoins du commun vsage des Bains, avec arrosémét, ou irrigation de l'eau, tant sulphuree, que alumineuse, laquelle par l'espace d'vne demy heure, on fait tomber du plus haut qu'on peut, sur la partie du  
corps

corps qu'on veut; voire mesme sur la teste, quoy que plusieurs l'impreuét: toutesfois Galien l'a grandement recommandee, lors qu'il dit: *Qu'anciennement on soufmettoit le chef sous l'eau chaude, tant pour guerir les douleurs de teste, que pour estaindre la phrenesie de ceux qui en estoyent incōmodez.* Auiourd'huy on ensuit cet Autheur non seulement pour ceste partie du corps, ains pour toutes les autres, assauoir iâbes, cuisses, ioinctures, mesmes sur l'estomac.

OR comme on prend ordinairement les Bains partout le corps, sans reseruer rien que le chef; la douche est seulement pour quelque partie d'iceluy, & suffit que le membre malade la reçoie. Ce seroit estre reduit en perpetuelle peine & labeur, s'il falloit vser de ces deux remedes, avec mesme proportion & distribution: à ceste cause l'vsage nous a enseigné, que l'vn veut le general, qui est tout

le corps, & l'autre le particulier, à sçauoir vne ou deux de ses parties. Ce seul remede fait, que l'eau par sa cheute acquiert vne si grande force & vertu penetratiue, que lors qu'elle tombe; on la ressent cômme des flammes de feu, qui passent sans rien brusler. Aussi par ceste grande penetration, elle rarefie & dissipe les humeurs les plus rebelles & opiniastres de nos membres, mesmes quand elles seroyēt logees dans leur profondeur & solidité. Elle n'a esté inuentee pour autre fin, que pour les maladies inueterees, & pour les humeurs froides. Aussi ay-ie veu plusieurs, dés long temps indisposez, auoir receu toute sorte de contentement de la pratique de ce seul remede: & entre autres monsieur d'Auste, Commandeur General de S. Antoine à Chambery, & Ausmonier de Monseigneur le Prince Cardinal de Sauoye, lequel estant saisi d'une

double

double tierce , depuis cinq ou six mois , & avec ce tormenté d'une violente sciatique , par son usage , a esté deliuré tant de sa douleur , que des euenements & symptomes erratiques de sa fièvre. Vn pauvre garçon de l'hospital de Lyon , deuenu hidropique par la rigueur d'une fièvre quarte, porté aux Bains , a prins, par l'ordonnance qu'on luy auoit fait, la douche sur son ventre , & vers la region de la rate , laquelle par les obstructions luy caufoit l'ascites, le tympanites, & mesme la rigueur de la fièvre. Or comme elle luy estoit dispensée & distribuée charitablement par des petits enfans deux heures de suite, elle a esté si puissante, qu'elle luy a dissipé, par sa chaleur discutie & resolutive , toutes les ventositez & flatuositez de l'abdomé: & , qui plus est, rarefiant la rate par la voye du nitre, que l'eau du souphre possède de plus

sur beaucoup d'autreseaux minerales, a fait vn si heureux adieu aux Bains, qu'il est pour le iourd'huy sans enflure ny fiure. le croy & tiens pour assure, qu'on ne peut rien experimenter de si souuerain, pour promptemēt deraciner & chasser les fiures humorales & periodiques, que ces eaux: car ceste annee, plus de cent febricitans, dans trois ou quatre exces, ont perdu leurs fiures, ne sçachant où elles passoient si insensiblement: la raison pourquoy elles ne peuuent estre de longue duree, c'est que l'eau du souphre desopile les parties nobles, desquelles les fiures prennent leur origine, & comme elles sont fortifiees par la chaleur tepide, elles retournent en la perfection d'vne vraye & bonne concoction.

Quant aux cornets, qui sont especes de ventouses, les vns les prennent secs, les autres avec scarificatió, & c'est



& c'est par la main subtile d'un bon & bien experimenté Chirurgien: avec la flammete. Par ce remede l'on guerit les pustules, varioles, & mauuais taint du visage, les douleurs de teste, le crachement du sang. On euacuë aussi la pleonexie ou plethore, mesme le sang intercutal, les hemorroïdes, & les douleurs fixes, & arrestees sur les parties du corps humain. Personne ne doit vser de ce remede, qu'apres auoir mangé, sur tout deux heures apres. La raison est, qu'il faut estre robuste pour prendre les cornets, attédu qu'ils font beaucoup plus d'operation d'une seule application, que si l'on estoit saigné trois ou quatre fois en vn iour. C'est pourquoy pour la grande euacuatió qu'ils font, il n'y a point de mal, de peur de tomber en sincope & manquement de cœur, d'auoir auparauát aydé à la nature. Le temps auquel on les prend, est, deux, ou trois iours auát

que faire la retraicte, comme la douche dans huit ou neuf fois que l'on s'est baigné: car ny les cornets, ny l'irrigation au cōmencement des Bains, ne scauroyent profiter, à cause que les humeurs enchassées dans les iointures, ne sont point esmeuës du centre à la circonference: ny mesme destrempees, ce que les eaux font par l'humidité tepide de leurs naturelles proprietéz, pourueu que le temps & le loisir leur ayt esté fauorable, tant de la part du malade, que de la prudente distribution d'icelles. La quantité des cornets qu'on applique est, d'vne, de deux, & trois douzaines, selon que les malades sōt sanguins, ou pletoriques.

A P R E S l'usage des medicaments susdits, on frequente vn iour ou deux le Bain de l'alun, & non pour autre fin, que pour fermer & clorre tout le temps à prendre les Bains: comme aussi pour fortifier le corps, & dessiccher

cher ce que les eaux du souphre au-  
royent par trop ramoli & humecté.  
Le tout ainsi acheué, on se faißt don-  
ner la derniere medecine, pour vui-  
der les serositez & humiditez que les  
Bains auroyent laissé par toute l'ha-  
bitude du corps. Sur tout qu'on ne se  
mette point en chemin le iour mesme  
de la purgation, parce qu'il arriue tât  
d'accidets extraordinaires à ceux qui  
se soumettent à l'indiscretion du re-  
mede & à l'iniure de l'air, qu'on en fe-  
roit des liures entiers, s'il estoit que-  
stion de les mettre en public. Seule-  
mēt ie me seruiray de celuy que nous  
auons cet esté dernier predict à vne  
d'ailleurs tres-prudente, tres-sage &  
tres-vertueuse dame de Grenoble, la-  
quelle ayant prins vn purgatif le di-  
manche auant que partir des Bains,  
qui n'auoit fait aucune operation, le  
lundi matin elle móta en litiere, sans  
cósiderer (ainsi qu'on luy representa)  
qu'elle

qu'elle auoit vn ennemy caché dans son corps, qui feroit biẽ tost du mauuais, si elle n'arrestoit les assauts, faisant vn peu d'auantage de seiour. Elle mesprisant ce conseil, & passant outre, le remede à trois lieuës d'Aix cõmence à la purger avec tel vomissement & flux de ventre, qu'on croyoit qu'elle mourroit alors. Cependant vne chaleur extranée, causee tant par l'ardeur du soleil, que par l'agitation des humeurs, se loge dans son corps, & excite vne fiere continuë, laquelle amoindrissant ses puissances, la fit estre trois iours apres tributaire de la mort, non sans grãd regret à plusieurs de la perte d'vne infinité de perfectiõ qu'elle possedoit. C'est pourquoy, *felix quem faciunt aliena pericula cautum.*

**Q**UANT aux estuues, nous dirons, que comme elles sortent des eaux minerales, elles ont aussi des semblables vertus & proprietéz qu'elles. Et  
d'autant

d'autant que les estuues du souphre prennent leur origine & nature de l'eau sulphuree, laquelle estat eschauffee dans les veines de la terre, excite des vapeurs & fumees, qui recolligees dans des lieux fort petits & bien fermez produisent certaine maniere & facon d'yser d'icelles, que quoy qu'elles soyent differentes du Bain par le nom d'estuue; neantmoins participent d'un mesme principe. Pource come les Bains du souphre sont propres à ramolir & eschauffer: aussi les estuues qui en sortent, seront propres à fondre les humeurs froides & glacees; resoudront toute sorte de pituite, soit qu'elle soit douce, acide, ou salee, visqueuse, ou gypsee, les faisant coulantes & fluides (ce qu'on ne peut faire aux autres qui sont artificielles:) gueriront encores la gratelle, gale, & scabrie: dissiperont les douleurs de joinctures, desseicheront par les sueurs  
les

les humiditez, & serofitez du corps, consumeront le rheume, desopileront les hippocondres, & en fin feront les vrayz succedants des Bains.

*Si les Bains d' Aix sont profitables aux femmes steriles, & aux surditez, d'oreille.*

CHAP. XVIII.



**O**us sommes si industrieusement bien enseignez par les signes que la Nature nous a donné, pour cognoistre la diuersité des sexes, que sans les marques de la generation & de l'enfantement, les animaux seroyent tous confus, & on ne sçautoit discerner le masse d'auec la femelle; car si c'est pour la force du corps & de la subtilité d'esprit, qu'on mette quelque difference entre eux, combien void on des animaux d'un mesme

mesme sexe, entre lesquels la force est egale, & quelque fois celle de la femelle plus grande, comme dit Aristote de l'ourse, & des oyseaux de rapine? Pour la beauté de l'ame, quoy que les Peripateticiciens ayent assure, que ses operations soyent plus nobles entre les hommes, que parmy les femmes; neantmoins tous les Platoniciens, & leur maistre Platon, au *liure 7. des loix*, ont escrit avec verité, Que tous les deux sexes pouuoient estre egalelement capables des mesmes operations & fonctions: car l'homme n'ayant pas d'auantage d'instrument & d'organe dans son chef, qui est le lieu & le siege de l'esprit, que la femme, ny la femme que l'homme, ils n'auront, par les facultez d'iceluy, aucune disproportion & difference. Que si nous consideros l'vtilité de la femme, ou plustost la necessité en la propagation du genre humain, en l'æconomie

nomie des maisons, & pour viure heureusement dans ce monde, nous dirons qu'elles ne doiuent pas estre nommes du nom de Mōstre, qu'Aristote leur a donné: ains plustost le premier Proiect de la nature: C'est pourquoy comme la femme n'est point differēte de l'homme, que par la conception & enfantement, il est necessaire de voir si à celles qui sont steriles, les Bains leur sont propres & necessaires.

Je le diray pourueu que j'aye expliqué d'où vient la sterilité. La cause pourquoy les femmes sont le plus souuent steriles prouient de la disproportion & diuerse temperature qu'elles ont avec les hommes. C'est l'opinion de Galien, en son histoire Philosophique & des Stoiciens, mesmes de Lucretius, 4. *de natura*, d'Aristote & d'Albert le Grand, *au liure 16. de animantibus*: accident qui sort & naist de la nature intemperce de la  
 matri



matrice, ou de l'indispositiõ de tout le corps, ou de quelques parties d'iceluy: quelque fois de quelque qualité occulte, comme Rafis *3. continentis*, & les Arabes ont escrit. Touchant l'intemperie tant du corps que de la matrice de la femme, Hippocrates *au 60. aphorisme, section 1. dit*: Que la matrice, qui sera par trop chaude, seiche, & humide, ne pourra iamais concevoir; attendu que si elle est chaude & seiche par excès, la semence de l'homme se consume: si trop humide, elle se noye: si froide, le froid est ennemy iuré des operations de nature: par consequent il faut qu'elle soit temperée, & ne participe de l'extremité d'aucune de ces qualitez. C'est ce que Galien a rapporté en ces termes expres: *Cum mulier uterum temperatum habet, fecunda est; cum intemperatum, sterilis: si vero modicè intemperatus extiterit, concipit quidem, sed difficulter.* Ce qu'il confir-

me par l'exemple de la terre, laquelle si elle est par trop eschauffee, comme proche des fornaises, ou pres de la source des Bains, ne produit rien : si par trop humide, l'abondance de l'eau estoufe le grain: si seiche, les pierres ne sçauroyent produire: si extremement froide, comme vers la Zone gelide & glaciale, ou en plusieurs lieux Septentrionaux, elle est sterile. Il y a aussi plusieurs autres causes, qui rendét les femmes infertiles : à sçauoir, l'air immoderé, les mouuements du corps extraordinaires, le trop grand repos & oysiueté, les passions dereglees de l'ame, la volupté excessiue, & le boire & manger superflu. Aristote, Prince des Philosophes, l'a tres-bié cognu, quád il a dit, *au 4. l. de generat. animal.* Que plusieurs femmes, aux lieux grandement froids, deuiennent steriles. Ce que confirme Hipocrates, *au liure de aëre & aquis*, disant, Que l'vsage des

caux

eaux froides, & l'air semblablement froid, empeschent aux femmes la cōception. Galien voulant interpreter le dire de son precepteur, adioūste (ainsi que Rasis refere *9. continētium*;) Que de son temps plusieurs femmes à Rome estoient deuenues infecōndes par l'immoderee repletio du boire & du manger. Pline rapporte sur ce subiect: Qu'il y auoit vn certain vin, qui rendoit les femmes sans enfans: mais ce n'estoit pas ceste tant agreable liqueur, ny la qualité qui les faisoit telles; ains plustost l'exces à boire, & la quantité qui produisoient tels effets contre la nature. Aussi void-on les femmes adonnees au vin & à l'urōgnerie, estre raremēt fertiles. Plusieurs aliments causent le mesme que le vin, non seulement prins en trop grande quantité: mais encores de leurs propres essences, comme sont ceux qui excèdent en quelque quali-

té extreme sur le chaud, humide, & froid. C'est la sentence du diuin Hippocrates, au liure 2. de dieta, & d'Aristote, au 2. de ses problemes, lesquels disent, Que la menthe, à cause qu'elle est grandement seiche, destruit la geniture. Auicenne en dit autant des viandes qui sont acides, & aigrelettes. Nous scauons aussi, que les tumeurs de la matrice, les vlceres qui s'y font, & la suppression des menstrues causent l'infertilité: quoy que j'aye veü trois femmes en Dauphiné, qui ne sachant que c'est des purgations lunaires des femmes, ont de fort beaux enfans: mais *rara non sunt artis*. Neátmoins nous auons nos Bains pour vray remede d'abondance & fertilité, lesquels ie preuueray par deux raisons estre beaucoup profitables à ces arbres infructueux.

Premierement par l'experience, qui est le solide fondement de la science,

*nam per frequentatos habitus acquiritur scientia, & firmam veritatis fundamentum:* car nous auons veu vne quantité de femmes, n'ayant iamais peu auoir d'enfâs, lesquelles par le seul vsage des Bains, ont esté fertiles. De fraiche memoire deux dames de Grenoble prindrent si bien feu dans les Bains, qu'on les croyoit hidropiques, mais c'estoit d'une enfleure de neuf mois. Secóde-ment par les regles & axiomes de la Medecine, *Que toute maladie doit estre guerie par son contraire.* Or comme la sterilité prouient de l'intemperie des qualitez predominantes au temperament de la femme, soit qu'elle prouienne des tumeurs, vlcères, suppressiós des ménstrues, de la volupté immoderee, & des passions dereiglees, & plusieurs autres causes: neantmoins elle peut estre si bien corrigee & reduite sous la proportion & direction d'une parfaicte nature, qu'estant pri-

uee de tous les exces dereglez, acquiert en ses operations toute sorte de conseruation & propagation de son espece. Ce qui luy est accordé par les diuerfes proprietéz & qualitez meflangees des eaux minerales: car elles eschaufent, desseichent, humectent, & fortifient, avec vne admirable & agreable distribution de leurs facultez: comme aussi, si c'est pour ouvrir & dilater les obstructions & opilations des parties nobles des femmes, elles tesmoigneront pour lors qu'elles sont non moins promptes à semblables effects, que propres à vne infinité d'autres.

QVANT à la surdité, qui est vn grade parfaict sur la durté, imbecillité & difficulté d'ouye, on tient qu'elle est causee par la solutiõ de continuité, ou intemperie, & mauuaise cõformation du nerf auditif. Ce qu'on remarque par les accidents, qui suruiennent  
des

des causes internes & externes d'icelle, comme par le moyé des defluxiōs, des grandes pertes de sang, qui surviennent aux femmes, auxquelles les esprits animaux se dissipent : & des accouchemens où elles sont mal conduites & gouvernees, & des purgations supprimees. C'est l'opinion de Galien, au 3. de *symptomatum causis*, où il dit : Que les humeurs remplissans le cerueau de phlegmes & d'une pituite tenace (comme celuy des femmes) bouche & obturé d'une telle façon l'organe du sens de l'ouye, à sçauoir, le nerf auditif, & le *timpanū auditus*, que les sons des choses externes ne se peuvent entendre : or d'autant que cela se fait par le rheume ou defluxion qui est la mere & origine des maladies du corps humain, selon qu'elle occupe le nerf, ou que les esprits sont portez au dedans d'iceluy, l'on y entéd quelque fois plus, quelque fois moins. Ceste

doctrine est confirmee par experien-  
 ce, qu'on donne de la taupe, laquelle  
 y entend parfaictement bien, & n'y  
 void rien, c'est que la collectiõ des es-  
 prits, estant en elle plus grande, fait  
 que le sens de l'ouye est plus parfaict:  
 De ce discours nous pouuons tirer la  
 cause conioincte de la difficulté, &  
 imbecillité d'ouye; mesmes de la sur-  
 dité parfaicte, si les esprits sont entie-  
 remet perdus: c'est pourquoy en ceste  
 action deprãuee; ou du tout abolie,  
 on demande si les Bains pourroyent  
 proffiter & corriger le manquement  
 du sens de l'ouye, ou bien la guerir,  
 estant estainte & suffoquee par la pa-  
 ralisie de son organe? A ce ie respon; &  
 dy apres plusieurs bõs Autheurs en la  
 Medecine, que les Bains ne peuuent  
 aucunement faciliter l'ouye, la surdité  
 estant formee. Ma raison est fondee  
 sur ce theoreme, qui nous enseigne,  
 Que toute eau est froide & humide.



Or le froid est ennemy des nerfs, des veines, cartilages, du cerueau, & de la vefcie, par confequent les eaux thermales ne fçauroyent de rien aduancer en ceste indisposition. Que si on veut dire, que les eaux font chaudes, ie fatisfery au curieux, luy respondât que ce n'est que par accident, lequel peut estre & n'estre pas en só subieét: par confequent les Bains n'auront aucune vtilité. Pour les estuues, encores moins, attendu que si on met le chef dans icelles, elles aggrauét le cerueau de plusieurs humiditez: & donnent de douleurs de teste si grandes, que pour peu de froid externe qu'on sente, on deuiét plus sourd qu'auparauât. C'est l'authorité & sentence d'Alexandre, de Galien, & d'Antonius, *1. Problematum, cap. 7.* Que si quelqu'un dit auoir reçu de l'amandement en l'imbecillité & durté d'ouye, i'attribue le tout à la qualité occulte des eaux, ou aux

merueilles de Dieu, qui fait paroistre les operatiōs hors le cours cōmun de la nature. Ou bien si l'on veut la puissance du sens auditif, n'estāt en l'imbecillitē d'ouye encore morte, peut receuoir quelque soulagement, tant par la chaleur accidentelle des Bains, que par la deliurance des obstructiōs du mesme nerf, desquelles les humains par les vertus penetratiues, remolitiues, & detersiues des eaux, peuuent estre soulagez : mais en cela il faut que *etas, tempus, vita ratio, & optima corporis constitutio consentiant.*

---

*Si les Bains d'Aix ont quelques proprietēz plus particulieres pour guerir la gale, lepre, goutte, sciatique & verole, que celles ià dittes.*

CHAP. XIX.



U O V T ainsi que la perfection du corps consiste en la bonne conformation, situation, & temperature, tât des humeurs, que des parties qui le composent : aussi la disproportion & intéperature font tel diuorce en luy, que quelque fois, & le plus souuent, on void plusieurs personnes transmuees en des formes & figures du tout estranges, voire en des saletez si grandes, qu'elles deuiennét lepreuses, galeuses, vlcerees, estiomenees ; maladies prouenantes de l'imprudent & deregulé regime de viure, comme aux enfans & ieunes personnes, qui prennans beaucoup d'aliments, & plus qu'ils ne peuuent digerer, engendrent des mauuaises humeurs, qui causent les accidents susdits : comme encores les violents & immoderez exercices : & les excès qu'on fait à boire des vins trop puissants, & à manger des viandes espicees, salees,

falecs, acres, & mordicâtes, telles que sont les oignons, ails, & porraux, qui seruent de cause primitiue à produire au corps non seulement la demangeison & la gale, ains des dertes, vlceres, & quelque fois la lepre. La raison est, que la plus grande partie de ces aliments, deprauiant le sang par leur grande chaleur & acrimonie, de nutritifs & alimenteux qu'ils doyuent estre, se font exerementeux; & pource le sang degenerât de sa bôté naturelle, coulant par le moyen des veines en toute l'habitude de la peau; la putrifie, la corrompt, & engendre en elle vne infinité de deformitez & saletez extraordinaires: à sçauoir, aux vns la lepre, si le sang deuiét par trop aduste: aux autres la gale, les vlceres, & la scabricie, s'il abonde en viscositez, & humiditez superflues. Ces incommoditez, quoy qu'on les iuge particulieres aux vns, elles peuuent  
neant

neantmoins estre si contagieuses, que de degenerer en vniuerselles. C'est Alexandre le Philosophe, qui l'a ainsi enseigné au 2. de ses problemes, chap. 45. où il explique comme la gale se fait contagieuse. C'est, dit-il, que de la superficie du corps en sort vne humidité viscide & tenace, laquelle adhère aux corps prochains & voisins, & par sa communicatiō se change de l'vn à l'autre: par ainsi de spécifique, ou particulière qu'elle estoit, deuient generale, courant par toute l'espece. Opinion que Galien confirme au 7. apher: & en son liure de tumoribus præter naturam, chap. 13. comme aussi en celuy de simplici medicina; auxquels il dit, Que la gale prouient d'vn suc; ou sang mélancolique, qui est fort terrestre, grossier; & crasse, lequel estant putréfié par sa malignité; se fourre & loge par tous les corps, & principalement en ceux qui sont disposez à la  
recevoir.

receuoir. Et bien qu'il y aye plusieurs remedes en la Medecine, qui peuuent estre fauorables à telles & semblables superfluitez : toutesfois les Bains des eaux minerales sont si bons, propres, & particuliers pour ces infirmittez, que dans vn iour ils font plus d'operation à desseicher ces humiditez & serositez excrementieuses, que tous les medicaments d'icelle, dans quinze. Ils ont en outre vne vertu si detersiue, qu'ils ostent & empeschent la putrefaction des humeurs : & par ainsi peuuent sans aucun danger, contre l'ordinaire des autres remedes, qui chassent le venin de la gale au centre plustost qu'à l'a circóferéce du corps, merueilleusement profiter aux deformitez, qui sortét tât de la gale, des vlceres, lepres, & dertes. Que si la chair des viperes sert de tant aux lepreux, que mesme plusieurs atteints de ceste infirmité ont esté gueris par son vsa-  
ge.

ge, noseaux minerales feront auant & plus: veu qu'elles chassent le venin des serpents, qui est beaucoup plus dangereux que n'est ceste indisposition : car avec la lépre, on peut iouyr d'une assez longue vie, quoy que facheuse & triste : & par l'acrimonie & malignité du venin des serpents, mourir soudainement. En outre si on donne quelque amandement & soulagement aux lepreux par les medicaments sudorifiques, les eaux thermales, qui esmeuent les sueurs en plus grande abondance que tout ce qu'on scauroit dire, ny alleguer de la medecine, auront par singularité particuliere, la propriété de profiter non seulement aux galeux, mais encores aux lepreux.

QUANT à la goutte & sciatique, le plus grand tiran & bourreau qui ayt oncques esté, c'est la douleur qu'elles causent, laquelle saisissant les  
hom

hómes par l'intemperie des humeurs, ou par quelque qualité surabondante du tout contraire à leur repos, fait qu'ils se tourmentent, & crient iour & nuict: & non sans cause, car les fluxions tombans sur diuerses parties du corps, & principalement aux iointures, si elles se trouuent malignes, rebelles, & acres; les nerfs, tendons, veines, muscles, & cartilages en sont tellement violentez, qu'il faut que la patience serue quelque fois de remede à leur rigueur. Et d'autant qu'il s'agit de retenir tant l'humeur excedante, que le rheume & distillation qui causent ces inquietudes & mouuements extraordinaires, que les hommes ont en semblables douleurs, & les remettre en quelque moderation, il n'y a inuentiõ, ny moyen plus propre, que les Bains: veu que si la qualité de la matiere peccante de l'humeur qui fait la goutte, ou la sciatique, (quoy  
qu'el



qu'elle soit diuerse) se trouue de nature vitieuse, à sçauoir, acré & chaude, les eaux d'Aix par leur douce tepidité estaindront sa fureur & malice. Si encores sâguine, pituiteuse, & phlegmatique, elles corrigerót les excés de ces humeurs, par la bonne temperature qu'elles ont accoustumé de produire: car quoy qu'elles soyent salees, nitreuses, chaudes, & sulphurees: neantmoins avec toutes ces qualitez, elles ont vn meflange & vnion parfaicte, qui se communique non seulement aux parties de nos corps, mais aux humeurs les plus opiniastres & indóptables. Elles ont encores ceste propriété naturelle, que de ceder les douleurs: & de plus, resoudre, cōsumer, & dissiper les enfleures, & tumeurs que les douleurs artritiques causent: c'est pourquoy nos Bains de toute leur nature seruiront aux podagres, & à ceux qui sont subiects aux sciaticques.

P O U R la verole, quoy qu'elle soit vne maladie plus particuliere à toute l'espece des hommes, qu'aux autres animaux du môde, avec toute sa malignité contagieuse, elle peut estre nô moins medicamentee par nos eaux, que par les diaphoretiques, desquels nous auôs accoustumé d'vser: & pourueu qu'on ayt esté auparauant purgé, & faict quelque sorte de diete cõuenable à cette sale & infame infirmité, alors les Bains, par leurs qualitez resolutiues, resoudront & ramoliront les reliquats, que ceste impure maladie laisse aux parties interieures. D'auantage, le phlogosis virulent de la verole, qui est tellement attaché parmy les ioinctures, que si l'on n'a quelque chose qui le puisse destremper, difficilement quitte-il iamais prise; les eaux de nos Bains y serôt puissantes, pourueu que des-ja le venin de la matiere verolique soit estaint par les salutai-

res remedes de la Medecine. Autrement tant s'en faut que les Bains soyent benins à ce mal, qu'au contraire irrité par leur chaleur, il se renforcera, & tourmentera plus qu'auparavant son subiect. Nous auons reconnu cette experience en plusieurs qui sont venus non despestrez de telle puante crotte, qui y ont esté si rudement accueillis, qu'ils n'ont eu plus grande haste que de s'aller ietter sous l'archet de quelque mieux secourable Chirurgien. Que personne doncques ne s'abuse, celant aux Medecins les ieux veneriens, où ils ont gaigné ce defaстрé benefice, & non pretexter leurs sciatiques, gouttes, ou defluxions en vne espaule, cuisse, ou genoil, (ainsi que trop de Gentils-hommes font) du trop violent exercice de la chasse, de l'iniure & rigueur de l'air trop soufferte, ou trop grande abódance d'humours : car cachants le serpent de ve-

role sous l'herbe, s'ils en sont rigoureusement picquez & traictez, ils ne doyuent adresser leurs plaintes qu'à eux, & non blasmer les Bains, & les Medecins, qui veritablement instruits ne manqueroient de leur donner des bons aduis, & prescrire des remedes conuenables à la guerison de leur mal.

---

*Si les Bains de souphre peuvent guerir le venin du corps humain, aussi bien que celuy des serpents.*

CHAP. XX.



**P**LVSIEVR'S excelléts Auteurs en la Medecine ont agité ceste difficulté, qui n'est pas petite: à sçauoir, si dás le corps humain se pouuoit engédredr du venin, côme il se void au dehors d'iceluy. Le benin lecteur aura pour agreable s'il luy plaist, d'en lire icy mon sentiment.

GALIEN parmy eux a dict, au 6. de loc. affect. chap. 5. en paroles bien expresses, Qu'il y-a deux choses en l'homme, lesquelles se peuuent conuertir en venin: l'une la semence, & l'autre le sang polu, & menstrual des femmes. Apres plusieurs raisons qu'il donne de son dire, il rapporte l'experience des taches d'un miroir, y empraintes par la veuë des femmes contaminees de ceste impureté: Et le dettriment qu'elles apportent aux herbes, qui meurët pour peu qu'elles soyent touchees par la malignité corrompuë du sang superflu qu'elles vident. C'est aussi vne chose fort veritable: Que par leur cõmunication les hommes tombent, & principalement lors qu'elles sont polues, en des maladies quelques fois mortelles, voire deuiennent lepreux. C'est pourquoy du temps d'Hesiodé & des Hebrieux, il estoit deffendu, par loy expresse, aux hommes, d'entrer au

bain , où les femmes taintes de leur pourpre s'estoyent baignees. Solin & Pline confirmét ceste opinion, disant, *Que le sang corrompu des femmes se conuertit en pur venin.*

IL y-a aussi d'autres raisons , qui combattent l'opinion de ces anciens Auteurs. La premiere, que tel venin ne se peut engendrer dans le corps humain, attendu qu'il faut que la chaleur naturelle, ou contre nature soit cause efficiente & productrice d'ice-luy. Pour la naturelle, il est impossible qu'elle se mesle de ceste action , veu qu'elle est cause de vie & de santé, plustost que du venin: & puis *tendit semper ad sui conseruationem, non autem ad interitum & perniciem.* Pour celle qui est contre nature, on monstre qu'elle ne peut causer vne chose si dómageable que le venin. La raison est, qu'elle ne peut operer par dessus sa puissance: ce qu'elle feroit, si elle le produisoit:

car la force du venin excède, & est plus grande que la vertu & puissance de la chaleur contre nature. La seconde, Qu'il n'est pas veritable, que la semence en l'homme se puisse tant corrompre, qu'elle aquire vne nature & qualité veneneuse: d'autant que si cela estoit, tant de vierges de l'vn & l'autre sexe, qui fuyét l'impudicité, en seroiet offécees: ce qui n'est pas: & quoy qu'elles soyent abondantes en matiere seminale, elle est si douce & benigne, qu'il n'est pas croyable qu'elle se puisse changer en venin. Pourquoy estime-on que les poulutions nocturnes soyent procurees & esmeuës de la nature, sinon pour vider & purger sa trop grande quantité, à laquelle les hommes sont plus subiects que tous les autres animaux de la terre? Pour marier donc & vnir par ensemble les deux opinions, il faut considerer le venin, qui se fait au corps humain, ou

tout pur, ou vne chose semblable au  
 venin. Le vray & pur est cōme celuy  
 de la vipere, du napellus, ou des pha-  
 langes & autres serpents: mais qu'il se  
 puisse engendrer en l'homme, il est  
 incroyable: & n'y a raison de Philoso-  
 phie, ny de Medecine pour le cōtrai-  
 re. Qu'il se forme & engendre des hu-  
 meurs, qui ont quelque sympatie, &  
 semblance avec le venin, il n'est que  
 trop veritable. Et c'est ainsi que Ga-  
 lien doit estre entendu: car qu'il y  
 en ayt qui meurent quelque fois aussi  
 soudainement, que ceux qui sont em-  
 poisonnez, ce n'est que par la qualite  
 maligne & deprauee des humeurs, qui  
 se sont engendrees cōme venefiques  
 dans leurs corps. Le mesme Galien  
 le confirme *au 3. des epid. text. 75.* où il  
 parle d'un phrenetique, qui mourut  
 au troisieme iour de sa maladie, qu'il  
 n'aduoüe pas estre mort de la phrene-  
 sic, ains par le moyen des humeurs de-  
 prauees



pravees & veneneuses, qui le plus souuēt troussēt aussi tost leurs hōmes, que les venins les plus mortels. On apporte vne autre raison, qui fait comprendre ceste similitude & ressemblance des humeurs avec le venin: qui est, Que de mēme que par le poison on tombe en des grands & tres-violents symptomes: ainsi par les humeurs malignes & mauuaises, l'on est si rudement violēté, qu'il est impossible de l'estre d'auantage. Les douleurs, les lipothymies, les furies & alienations d'esprits, que les hommes experimentēt, en sont tesmoings. Il y a encores vne autre raison, qui fait entēdre la mēme chose, si elle est cognue. C'est que les vrais venins corrompent & putrefient le corps: les humeurs de mēme.

AYANT donc veu comme les hōmes peuuēt estre venins de leur propres vies, il faut sçauoir si les eaux sulphurees les pourront guerir, & estre

le vray alexipharmaque, comme ils le font aux serpéts. Nous auons par axiome & theoreme certain, que *Quod potest maius, potest & minus*. Les operations des eaux minerales, & principalement celle du souphre, estant plus grande en la correction du vray venin (tel que celuy des viperes,) que de son image & ressemblance, ( comme est celuy qui s'engendre dans le corps humain, ) elles pourrôt sans doute satisfaire avec moins de peine, par leurs admirables & du tout inexplicables proprietéz, non seulement à la guerison des humeurs putrides & vénéneuses du corps, mais encores à nostre curiosité. Que si on me presse d'auantage, & qu'on veuille sçauoir de moy, d'où peut proceder ceste vertu cardiaque, qui se trouue aux eaux thermales? ie diray, que ce n'est ny la chaleur de l'eau du souphre, ny son odeur : mais le meslange du bitume,

me, qui de sa propre & particuliere nature corrige le venin des serpens, & fait en ceste action tout autant que la rhue, le bol d'Armenie, la terre selee, le bezoart, le zedoaria, le diétamé cretique, le scordiú, & les ails, qui par qualitez & proprietéz occultes produisent tels & semblables effectz.

---

*Si les eaux du Bain du souphre  
peuvent corriger & tuer les  
vers des petits enfans.*

CHAP. XXI.

**L**A vie de l'homme est si peu de chose, que si on la cõtémple de pres, on verra qu'il n'y-a rien au monde, qui soit plus combattu & contrarié qu'elle. Et ce qui l'afflige plus coustumierement, est la quantité & diuersité des petits animaux, comme vers, ou lombriques, qui naissent dans son corps, & desquels

quels personne ne se peut redimer qu'auec grande difficulté. Car quoy que Theophraste aye dit, en son 9. liure de l'histoire des plantes, que les Thraciens & Phrygiens ne sont aucunement subiects à la production de tels animaux, ny encores les Thebains entre les Grecs, il est impossible qu'aucune partie de la terre habitable soit exempte de ceste corruption. La raison est, qu'à tout homme peut suruenir en tout temps, (aux vns plus, aux autres moins) des cruditez d'estomac, qui seruent de matiere coniointe & commune à la production des vers: assistee toutesfois tant de la chaleur natieue de nos corps, que de la celeste, qui leur donne la vie, & la forme, l'vne comme agent vniuersel: l'autre comme particulier: ce qu'estant, il n'y aura region ny partie du monde, qui en soit exempte. Que les humeurs cruës & indigestes en soyent la cause

cause materielle, Galien *au 3. aphorism.*  
& Auicéne *en son 16. tertij traët. 5.* sont  
caution de mon dire, qui assurent le  
mesme que moy. Alexandre le Philo-  
sophe, *en son epistre des vers*, Paul Ægi-  
nete, & Columela entre les Latins, *en  
son liure 6. chap. 28.* y soubscriuent. Mais  
parce que les aliments corrompus &  
putrides sont les premices de la ma-  
tiere cruë qui engendre ces animaux,  
non tant aux hommes, que particu-  
lièrement aux petits enfans, lesquels  
pour la voracité & auidité en leur má-  
ger & boire, ne peuuent tant digerer  
& cuire qu'ils en prennent, le reste  
qui est superflu dans leurs estomacs  
se corrompant, engendre si grande  
quantité de vers, qu'ils tombent en  
des symptomes & accidents tres-es-  
pouvétables & mortels. Car outre les  
fieures continues, les flux de ventre,  
les morsures, les inquietudes, & con-  
uulsions, que les vers causent, voulant  
sortir

sortir hors du corps, estranglent quelque fois la personne & donnent si imperceptiblement. & soudainement la mort, qu'on ne scait à quoy l'imputer. Ce mal n'est si particulier aux petits enfans, que les hommes n'en soyent attaquez. L'experience en est si vulgaire, que ie n'ay besoin de m'arrester d'auantage en ceste question. Je la conclurray donc, avec ce premier liure, affirmant, Que l'eau souphree empeschant la putrefaction des humeurs corrompues, & corrigeant les cruditez aux ventricules, peut non seulement dissiper leur matiere, mais encores suffoquer & estaindre toutes sortes de vers & lombriques, qui seroyent engendrez dans nos corps. Nous auons remarqué que les serpens viuent & se nourrissent d'as ceste eau, y perdant leur venin : & au contraire les vers y meurent aussi tost qu'on les y iette. Si doncques l'on veut deliurer

liurer quelque vn de tels animaux, il ne faut que destremper deux ou trois gouttes d'huile de souphre dás vn pot d'eau de fontaine, & luy en donner à boire. On verra les effets de ce mineral estre si grands, qu'il n'y aura vers au corps qu'il ne tuë. Ce que son eau minerale fera avec vne plus haute faculté & propriété, veu qu'elle est iointe au nitre, bitume, & sel, par le meslange desquels elle est rendue plus puissante à corriger les euenemens & accidents malins. L'on pourroit amplifier ce chapitre du rapport de plusieurs autres questions touchant les symptomes que ces animaux donnēt, particulièrement pourquoy la nature les engédre: mais ce ne seroit que trop lóguemēt retenir le Lecteur, desireux de sçauoir les particularitez du Bain d'alun. Je cesseray doncques à parler d'auantage du Bain sulphuré, pour traicter de l'alumineux.



L E  
 SECOND LIVRE  
 DES MERVEILLES  
 DES BAINS D'AIX  
 EN SAVOYE.



*Du Bain d'Alun.*

CHAPITRE I.

**L**Es Bains ont esté autres-  
 fois parmi les Romains en  
 telle estime & valeur, au  
 rapport de Celse, que tous  
 ceux qui possedoyent quelques mo-  
 yens & commoditez, en auoyent dás  
 leurs maisons: non à autre dessein, que  
 pour conseruer leur santé. Ils furent  
 rendus si fameus, que mesme les Em-  
 pereurs



pereurs en voulurent auoir de particuliers, qu'ils ornerent de si superbes & magnifiques bastiments, qu'on ne pouuoit rien voir de plus riche: comme Commodus, Gordian, & Galien le ieune, au rapport de Capitolinus. En apres les Consuls de Rome, aux despés de la Republique, en firent construire des publics, dans lesquels les pauvres & les riches s'y baignoyent: Mais en cet vsage ils se rendirent tous si delitieux & voluptueux, qu'outre les somptueux banquets & festins qu'ils y prennoyent, ils y introduirent la compagnie des femmes impudiques, *ne voluptatis lenocinio quidquam deesset*, & toutes sortes de ieux, passe-temps, & recreatiōs, apres lesquelles s'estant fatiguez & lassez, ils entroyent dans les Bains, non vne seule fois le iour; ains plusieurs, & en tout temps & saison. Or comme les Romains s'estendoient parmi le monde par la guerre,

& leurs frequentes conquestes , ne pouuant quitter leurs bains ordinaires, ils dresserent la plus part de ceux qu'on a veu , & void-on encores aujourd'huy en la Gaule Celtique, Flandres, Italie, & parmi les Saxons, voire en toutes les colonies. Mais cōme ils commencerent à diminuer & perdre leur puissance & authorité, on ne veid presque plus de Bains, ny leur vsage, & moins leurs somptuositez & exces voluptueux. Que si quelques vns en resterent, ils ne furent plus que pour eschauffer & humecter le corps. Car n'ayant que l'experience de l'Hygiene, qui leur monstroit de se maintenir en santé; ils ignoroient la Therapie , à sçauoir, la façon & methode de guerir les maladies par iceux. Toutesfois apres eux, le desir de sçauoir poussant les plus curieux à rechercher & descouuir les profonds & cachez secrets de la Nature, l'on sceut beaucoup

coup de leurs proprietéz , non seulement à entretenir le corps en bonne disposition , ains encores pour le soulager & guerir, luy suruenant quelque infirmité. Pource fit-on separatió des Bains, dans lesquels les anciens se baignoyent confusément & indifferement : & commença-on à se seruir de celuy du souphre, du nitre, & alumineux à la guerison de differétes & du tout cōtraires maladies: En quoy reüssissant merueilleusement bien, la pratique en a continué iusques à nostre temps. Elle seroit sans doute meilleure, & plus heureuse, si l'on en vsoit comme il faut. En quoy ie tasche de tout mon possible, (desireux du bien & santé publique) d'instruire vn chacun en cette petite œeuure, en laquelle ayant traicté assez suffisamment, ce me semble, du Bain du souphre, & de ses vertus, ie suis obligé de poursuiure de mesme des autres. Doncques ve-

nant au Bain alumineux, i'examineray, selon mon ordre accoustumé, ses proprietéz.

---

*De l'Alun.*

CHAP. II.

**L'**ALUN est vn excrement de la terre, qui se fait de l'eau, & de la saumeure, ou escume de son limon. Ceux qui en ont escript en marquent de trois sortes: à sçauoir le fossile, le rond, & l'humide, qu'on a nommé Alun de roche, alun de plume, le troisieme est tout blanc & ród, rempli de plusieurs capilaments & filádres, que les femmes appellét fleur-d'alun, lequel est plus astringent & friable, & aussi plus chaud & dessicatif, que les autres. Les trois especes d'alun se trouuent seulement dans les foudines des metaux. Les artificiels, comme le succarin, le catin, ou scaïola (desquels

quels par le Brancaléone) n'appartiennent à ce Traicté, ayant fort peu de proprietez & vertus, au moins non tant que l'alun mineral, qui les a grâdes & tres-manifestes : car estant composé d'une partie terrestre, & d'un limon un peu bitumineux, & allumé dans les entrailles de la terre, il eschaufe si fort l'eau qui en sort, qu'elle retient & produit en ses operations la mesme vertu & faculté de son agent. Ce feu bruslant dans la terre, est entretenu par le bitume des mineraux, avec mesme duree que les eaux, qui ont leur flux continuel, & passant pres iceux, y coulent voirement froides, mais en sortent chaudes.

QV'IL y ayt un feu sousterrain, qui brusle continuellement depuis tant de siècles, le mô't-Gibel en Sicile; ceux de Chymera, & Herphestia en Lycie, montagnes qui bruslent depuis si long temps, le demô'strent clairement. Car

quoy qu'elles foyent presque toujours couuertes & remplies de neiges: neantmoins l'Auteur de la nature leur a donné vne matiere suffisante; qu'il produit par la propagation & regeneration successiue des mineraux, pour s'entretenir en mesmes exhalations ignees & combustibles. Aristote l'a ainsi enseigné, *au liure de mundo*, disant: Qu'il y-a de feux sous terre, qui eschaufent les eaux qui passent au pres d'eux, & selon la distance du lieu, les vnes sont fort chaudes, les autres moins, & quelques vnes temperees, & comme tiedes. Touchant le temps que le feu agit dans la terre, aucuns ont aduancé, que c'estoit depuis le deluge, ainsi que Bacitis Romain, qui ne croit pas que les eaux ayent esté chaudes dés le commencement du monde; & par consequent qu'il n'y auoit aucun feu sousterrain. Les autres disent le contraire, & plus prudemment,

demment, Que tout aussi tost que le bitume fut créé de Dieu, à l'instant les eaux minerales furent chaudes. Outre ce les riuieres & fontaines ayant eu tousiours leurs cours & flux ordinaires & successifs, tant dedans, que hors la terre, nous pouuons doncques dire veritablement, qu'elles sont chaudes dès la premiere fabrique de cet Vniuers: & qu'elles operent encores les effets qu'elles auoyent auparauant, & ont tousiours le feu sousterrain pour esprit, & pour matiere les mineraux combustibles: entre lesquels l'Alun estant, il sera par consequent chaud & sec, & vtile à plusieurs sortes de maladies, ainsi que nous verrons examinant les qualitez & proprietiez de son eau.

*Les qualitez & proprietez de  
l'eau alumineuse.*

CHAP. III.

**L'**EXPERIENCE a ie ne sçay  
quelle authorité parmy les  
causes naturelles, qu'elles ne  
peuvent estre cognuës, si elles ne sont  
experimentees. Aussi les eaux ther-  
males serõt de nulle estime & valeur,  
si en cognoissant leur origine & four-  
ce, nous ignorons leurs effets & pro-  
prietez, ausquelles cõsiste l'acquistiõ  
de la vraye science. C'est vn grand  
theatre que la Nature, sur lequel les  
vegetaux, reptiles, animaux sensitifs,  
raisonnables & irraisonnables iouent  
mille diuersité de personnages, ren-  
dant & exerçant les fonctions & fa-  
cultez que l'Auther d'icelle leur a si  
prodigalement eslargi: & le tout pour  
la beauté & perfection de cet Vni-  
uers.



uers. Entre les plantes, les vnes iouissent d'une bonté naturelle, qui les fait estimer, & reputer douces & temperées, & tres-propres à la vie humaine. Les autres ameres, quelques fois salutaires: encores les vnes chaudes, les autres froides, astringentes, laxatiues, cardiaques, ou veneneuses. Et parmi les animaux raisonnables & irraisonnables, les natures & qualitez sont si diuerses, qu'un chacun conserue la propriété particuliere qu'il tire de son espece. Les serpents sont presque tous veneneux, le chien abaye, le loup vrle, le bœuf a son mugissement, l'hibou ou chathuá & les chauues-souris ont leurs iours emmy les tenebres. Entre les hommes, les vns sont sages, & fort sçauans: les autres imprudéts & ignorans: les vns coleres, meschants & feditieux: les autres doüez de toute sorte de bonté. Ainsi parmy les eaux minerales, les vnes eschaufét, desseichét,

purgent, restreignét : les autres ramollissent, destrempent, & adoucissent les humeurs les plus rebelles du corps. C'est pourquoy chasque chose estant distinguee des autres par sa propriété, nous voyons, que la seule cognoissance d'icelles est non seulement le theatre, mais le temple de la Diuinité, où par la vraye contéplation nous admirons les merueilles de Dieu, lesquelles nous experimentons és'eaux, & notamment en l'alumineuse, qui est chaude & seiche comme sa cause, propre aux purgations extraordinaires des femmes, aux liéteries, diarrees, au crachement de sang, aux vlceres, tignes des pieds, à la gale, aux douleurs d'estomac, & de la teste, aux vertiges: comme aussi profitable au diabetes, ou profluxion d'vrine, mesme à la gonorrhée, laquelle, ainsi que nous auôs veu par l'experience de ceux, qui en ayant esté trauaillez par longues années,

nees, dans huit ou dix iours en ont esté gueris. Outre plus, elle est fort vtile au mauuais teint de visage: aux boutons & esleueures, qui y suruiennent, au mal de dents, à rafermir & fortifier les genciues, atix haleures du soleil, aux fistules lacrymales, à la chassie des yeux, & en fin au tremblement des nerfs.

---

*S'il faut obseruer le mesme regime  
de viure au Bain d'alun,  
qu'en celuy du souphre,  
& de leur difference.*

CHAP. IIII.



**P**OUR le temps du boire & du manger, des exercices, du veiller & repos, de la douche, des cornets, & de la boisson, c'est la mesme methode de l'vn & de l'autre Bain, hormis des viures & aliments:

car ceux qui prennent le bain du souphre, ont besoin d'estre humectez & rafraichis: au contraire ceux qui entrent au Bain d'alun, attédu que c'est pour desseicher les humeurs, ils doiuent vser des aliments secs & dessicatifs, comme biscuits, amandres, poulets, chapons, mouton, perdrix, griues, pigeonneaux, & autres oyseaux, plustost rostis, que bouillis: ne prendre point de bouillōs ny matin, ny soir: s'abstenir de viades froides, humides, cruës, acides, & phlegmatiques, comme le fromage, de toute sorte de laiçtage, fruiçts & herbes. La façon de prendre le Bain d'alun est presque semblable à celle du souphre, excepté qu'on demeure moins de temps, à cause de la chaleur de l'eau & de l'imbecillité des forces, qui manquent volontiers aussi tost qu'on y scioune, plus qu'il n'est expedient. D'auantage on boit de l'eau de l'alun toute chaude, & sans sel: au

contraire de celle du souphre, qui ne feroit point d'operation, & ne purgeroit aucunement sans l'addition du sel. Toutes deux esmeuēt les vrines, mais l'vne plus que l'autre, à sçauoir celle de l'Alun. De la premiere on s'en sert au past ordinairement: & point de l'autre. Mais puis qu'elles ont leurs proprietes toutes differentes, pourquoy en vse-on si confusément & indifferemment pour toutes sortes de maladies? & mesme du Bain d'Alun immédiatement apres celuy du souphre? comme si l'on ne scauroit guerir sans les frequenter tous deux? Sur ce ie desire en faire vn discours expres.

---

*S'il est necessaire de prendre tousiours  
le Bain d'Alun, apres celuy du  
Souphre.*

## CHAP. V.



Es hommes en ce monde viuent les vns selon les loix, & fort sagement: les autres par

la coustume, laquelle deçoit & trompe, bien souuent, les dessains les plus releuez: car tandis que la vie humaine est reglee par les maximes de la vertu, sur laquelle toutes les loix sont fondees, elle prospere en honneur, s'aduanee à la perfection, & à la fin participe d'une eternité de gloire: mais par l'habitude d'une chose imparfaicte, telle qu'est la mauuaise coustume, l'on descheoit, (si non à l'instant, au moins avec le temps) de la perfection à l'imperfection, de l'honneur au deshonneur, & d'un temperament bien reglé, en vne vie languissante. C'est le moyen de viure, & salutairement, si on vse des choses naturelles & nō naturelles, avec la discretion & conduite de la raison. Au contraire si tost qu'on gauchit de sa piste, il n'y-a sciēce qui ne deuienne ignorance; richesse, pauureté; & santé, maladie. Ce māquement est assez commun par tout, mesme

mesme parmy la methode de guerir, & les remedes qui nous sont necessaires. Encores s'est-il glissé parmy nos excellents & tres-salutaires Bains, desquels l'on vse souuent, pour toutes & diuerfes sortes de maladies, pesselles, & avec tres-grande confusion, sans considerer l'ordre de la science, & les preceptes de la Medecine, & qu'ils ne sont semblables en nature: Car chacun a ses particulieres vertus & proprietes, qui ne se peuuent transferer de l'un à l'autre, en leurs operations grandement contraires. Il faut qu'elles ayent leurs effets propres & subordinez aux qualitez qu'elles ont: à sçauoir, l'eau du souphre de ramollir, humecter, purger, desopiler, dilater, & resoudre: Au contraire celle de l'alun de restraindre, incrasser, eschauffer, & desseicher. Et comme il n'y-a maladie, qui n'aye son remede particulier, c'est sans doute mal à propos  
proce

proceder, où il ne s'agit que de ramolir, de vouloir incrasser : & incrasser, où il faut ramolir, qui est cōtre toute sorte de praćtique methodique. C'est pourquoy ie dy: Qu'il n'est pas necessaire de prendre le Bain de l'alun pour toutes maladies, apres celuy du souphre: ny celuy du souphre apres le Bain d'alun, ainsi que plusieurs font, qui s'en trouuent tres-mal; & qu'un certain Medecin a cōseillé, l'esté dernier; à quelques vns. I'en ay veu l'experience, & peux veritablemēt asseurer des plaintes qu'ot faićt la plus part des malades des douleurs & incommoditez qu'ils en ont ressenti, tant par la violente chaleur de l'eau alumineuse, que par sa trop grande astringtion. Et quand l'on me diroit, Qu'il fuffit d'entrer dans le bain d'alun vne seule iournee, pour se fortifier: ie respondray: Que son eau fera autant de mal ceste fois là, à celuy, à qui elle n'est

n'est



n'est pas propre, comme s'il cōtinuoit plus souuent. Ma raison est, parce qu'elle esmeut les humeurs & eschauffe d'auantage le corps au commencement qu'on prend son bain, que par apres. Je me contenteray icy d'vn seul tesmoin de plusieurs que ie pourroy produire, pour fortifier mō dire. C'est vn deuot Prestre de S. Iean en Morienne, qui cet esté dernier, ayāt prins le bain de souphre, pour des retractiōs de nerfs, en estant gueri, il voulut d'abondant, par coustume, ensuyuant les autres, se baigner dans le bain d'alun. Il n'y fut pas long tēps, qu'il sentit ses nerfs se retirer à la façon des cordes d'instruments eschauffées de quelque extraordinaire chaleur. Cē fut donc à luy d'appeller ses amis, & les prier qu'on le retira de là, pource qu'il se recognoissoit retombé en mesme maladie qu' auparauant. Je conseillera y donc tousiours à ceux qui doyuent

vſer du bain du ſouphre, de s'en contenter, ſans rechercher le ſurabondât & ſuperflu. Les Philoſophes nous enſeignent tres-bien, *Que fruſtrâ fit per plura quod poteſt fieri per pauciora.* Que le Bain d'alun ſoit ſuperflu, il n'eſt que trop euident, attendu que l'eau du ſouphre a le fer qui le corrige, & duquel elle tire vne mediocre aſtriction, qu'on ne doit procurer plus grande, par la trop violente ſeicheſſe de l'eau alumineuſe. Les gouteux, & ceux qui ſont chauds de foye; & fort bilieux, & coleriques, n'en doyent aucunement vſer: mais ſeulement les pituiteux & phlegmatiques.

*Si l'eau d'alun a quelques autres proprietéz, que celles ià dictes.*

CHAP. V.



Les facultez de toutes les choſes du monde ne peuuét eſtre cognuës que par deux moyës:

à ſça

à ſçauoir, la raiſon & l'experience. Le premier iuge des qualitez manifeſtes par l'odorat, le gouſt, la veuë, & quelque fois par l'attouchement, & c'eſt auparauant que le mixte ſoit reduit aux effets de ſon mouuement; mais les actions, qui dependēt de toute la forme ou ſubſtance d'iceluy, ne ſe petuēt cognoiſtre que par les effets, & par la ſeule experience; & comme il n'y a point de composé qui ne reçoie la vertu & propriété des parties, deſquelles il eſt composé, comme l'œil, qui n'ayant aucune couleur propre en ſoy, iuge neantmoins de toutes: ainſi l'eau eſtant inſipide, priuee d'odeur & de ſauer, par l'vnion & mixtion des mineraux, acquiert des qualitez ſi cōtraires, qu'elles ſont aggrandies & fortifices par la nature du mixte. Ce qui ſe void en celle de l'alun, laquelle eſt renduë aſtringente par l'alun, & aperiue par le vitriol: & toutesfois ces

deux qualitez s'accordent si bien par ensemble, sous la substance de l'eau, qu'elle peut exercer ces deux proprietes, sans porter preiudice à la sienne propre. Que l'eau alumineuse soit astringente, personne n'en doute: & aperitiue, l'experience l'assure. Car si l'on veut pousser hors les vrines, & purger les reins, & la vessie de la grauele, en prenant la quantité de six à sept liures, ou chacun selon sa portee, sur les cinq heures du matin, n'ayant rien magé, & apres allant aux promenades requises, l'on verra des merueilles. Qu'on ne me die, Que c'est l'eau d'une autre petite fontaine, qui iaillit pres celle de l'alun, & qui distile dans son bain: Car c'est la verité qu'elle fort du mesme canal de l'eau d'alun, & n'y recognoit-on qu'une mesme chaleur & saueur, qui fait, estant doüee de ces autres proprietes, qu'elle est propre aux coliques nephreti

phretiques & renales: à ceux qui sont chauds de foye, pourueu qu'ils la boient, ou seule, ou meslangée avec les sirops refrigerants, comme de limon, d'espine-vinete, d'acetosa, & des capillaires. On l'ordonne aussi aux foibles: des d'estomac, aux asthmes & difficultez de respiration, aux defluxions acres & sales, à l'erheumeure, à la toux, & à la fieure ethique: adioustât le suc cre cádi, le suc cre rosat, & la conserue de rose seiche, ou liquide. Que si c'est pour fortifier, l'on adiouste l'eau de canele: & pour nourrir simplement, le suc cre commú. On obserue en la beu uât vn mesme regime de viure qu'en la boisson de l'eau souphree: neant moins la diete deuroit estre vn peu plus exacte en cette cy, qu'en l'autre. Le temps qu'on la peut prendre, c'est sur le matin, comme i'ay dit, & à cinq heures, & pendant huiët, dix, & quinze iours, pourueu qu'on soit aupara-

uant deuëment purgé. Les saisons de la prime, de l'esté, & automne font fleurir ceste eau, & la rendent recommandable: & quoy qu'on fasse grand estat des eaux de Spas, de sainct Pardoux, & de Pougues, estat vitriolines & alumineuses; elles ne sont toutes-fois si profitables que les nostres, veu que par leur froid actuel elles sont plus nuisibles, voire pernicieuses à l'estomac infirme & debile: où les nostres par leur chaleur fomentent la nature & les parties foibles du corps humain.

---

*Si l'eau d'Alun est plus propre au calcul, que l'eau du Souphre.*

CHAP. VI.



VANT que resoudre ceste difficulté, il faut examiner deux choses. La première, si le calcul, ou pierre en la vessie, est vne maladie particuliere seulement

lement à l'homme, & non aux autres animaux. Aristote *en son 12. des problemes, section 10.* escrit, que les hommes y sont grandement subiects, & les bestes brutes nullement. Il en donne la raison, à sçauoir, Que les animaux n'ont point de vessie, comme les oyseaux & les poissons. Que s'ils en ont, le canal est si large, que l'excremēt de l'vrine n'y peut tant seiourner, qu'il puisse former ce mal si cruel & inhumain: l'homme au contraire l'a si petit & estroit, que par force il s'y retient & congrege des immondices, comme le sable, flegme, crassitude & feculence d'vrine, & en fin la pierre. Opinion qu'Absyrtus & Hierocles ont tenu, qui ont beaucoup escrit de la nature & maladies des animaux, sans auoir rien touché, ny parlé de leur calcul. Vegetius au contraire recite, *en son liure 1. de la Medecine, chap. 22.* Que les bestes brutes sont nō seulement sub-

iectes à ce mal, mais encores enseigne la façon & methode de le guerir. Petrus Aponensis au commentaire du probleme susdit, racõte auoir veu vne pierre dans la vessie d'un porceau: adioustât, Que la raison veut qu'ils y soyent subiects, veu que la plus grande partie d'iceux rend l'urine trouble, crasse, & beaucoup terrestre; de laquelle le calcul se forme. Pour accorder ces anciens Physiciens & Medecins, les premiers disant, Que l'homme est subiect au calcul, & point les animaux, il faut entendre plus l'homme, que les animaux. Et touchant ceux qui disent que les animaux rendent les urines troubles, & partant qu'ils deuroyent estre plus subiects à la pierre que les hommes, ie dy, Que leur nature diuertit ailleurs cet effect, & au lieu de produire le calcul, conuertit la matiere coniointe d'iceluy en des ongles, poil, cornes & autres parties excrementueuses



teuses. C'est pourquoy ce mal sera plus particulier aux hommes, qu'aux autres animaux. Que les hōmes soyēt molestez & trauaillez de la pierre, l'experience iournaliere nous le faict que trop voir, au grand preiudice & perte de la vie de plusieurs personnes.

LA seconde chose à examiner consiste, en ce qu'on demande, si tout ce qui est contenu sous l'espece de l'hōme est également subiect au calcul, comme les femmes, petits enfans, ieunes hommes, & gēs vieux. En ce faict Hipocrates *en son 3.aphoris.* & avec luy Galien, & Auicenne, & vne infinité d'autres Medecins, ont dit, les enfans en estre plus vexez & incommodez que les hommes: & les hommes plus que les femmes. Quant aux enfans, il est veritable, que comme ils sont auides & voraces, ils engendrent & accumulent beaucoup d'humeurs cruës & indigestes, lesquelles estant portees

par l'vrine dans la vessie, seruent de matiere generatrice du calcul, laquelle par la chaleur naturelle s'endurcit & deuient solide, ainsi que dit le mesme diuin Hipocrates, *en son 4. liu. des maladies*, donnant l'exemple du fer, qui s'endurcit par la chaleur du feu. On adiouste vne autre cause du calcul, à sçauoir les vases ferrez, exiles, & fort petits des enfans, qui retiennent beaucoup de feculence, apte à former plustot la grauele. Touchant les hommes aduancez en aage, quoy qu'ils abondent en cruditez & humeurs terrestres, leur chaleur estant fort petite, ou beaucoup affoiblie, ils ne peuuent former si facilement le calcul, que les ieunes, & enfans: & encores ceux-cy le plus souuent l'ont par proprieté hereditaire, ou par le vice de leurs nourrices, selon le dire d'Hipocrates, *en son mesme 4. liure des maladies*, qu'il attribue à leur mauuais regime de viure,

& au

& au laiçt depraué que les petits enfans succent, lequel estant crasseux & terrestre, leur sert ordinairement de matiere coniointe à produire la pierre. Quát aux femmes, il y a trois choses qui empeschent qu'elles ne soyent si calculieuses. La premiere, à cause qu'elles ont le canal de la vessie fort petit & court. La secóde, qu'elles l'ont large: & la derniere, droiçt & non anfractueux, comme est celuy des hommes, qui en l'aage de virilité, pour l'excessiue chaleur du foye & des rains, qu'ils supportent, & qui est le plus souuent en eux cause efficiéte & productrice de la pierre, sont plus incómodez & tourmétéz, que les femmes.

CES deux questiós estant vuidees, ie peux asseurer les deux sortes de fontaines estre vtiles & profitables au calcul: mais l'vne plus que l'autre. Ie preuue ma conclusion, tant par la diuerse & differente nature des mineraux,

raux, desquels elles sont composees; que par leurs effets. On sçait l'alun estre chaud, & sec, & fort astringent: le souphre aussi chaud, mais fort remolitif: En outre le vitriol, qui est fort corrosif, & qui s'vnit avec l'eau d'alũ, luy donne certaine poincte & viuacite, si qu'estant prinse à la façon susdicte, elle penetre si bien les reins, les vrteres & la vessie, qu'on la rend aussi claire comme on l'a beuë. Ce qu'on ne sçauroit faire par l'eau souphree, laquelle, par la chaleur tepide qu'elle a en esté, eschaufant les humeurs, & les parties du corps humain, esmeut seulement dans le bain l'vrine, destrẽpe, ramolit & deliure les membres qui sont bouchez. I'ay dit cy dessus le vitriol estre fort corrosif & mordicant, ce qui est vray, si on le considere simplement en sa nature: mais estant abreuué d'vn deluge d'eau, il perd du tout sa corrosion: ny plus ny moins  
qu'vn

qu'un peu du vin meſſangé dans vne grande quantité d'eau. C'eſt pourquoy l'eau paſſant pres le vitriol, & domptant ſa chaleur & acrimonie, ne retiét que la ſeconde qualité, qui eſt d'eſtre penetratiue & diuretique, laquelle eſt plus grande en elle, qu'en celle du ſouphre: par conſequent plus propre au calcul.

---

*Les maladies, auſquelles l'eau d'alun eſt profitable.*

CHAP. VII.

**L**es eaux minerales ont de ſi grandes proprietez & vertus pour les indispoſitions du corps humain, qu'elles font en general, ce que tous les medicaments, tant ſimples que cōpoſez de la Medecine, font en particulier: car comme les vns gueriffent le chef, qui eſt ſelon Platō, la principale partie de l'homme, d'où  
ils

ils font appellez cephaliques & capitaux: les autres, les maladies des parties du ventre moyen, & inferieur, pourquoy ils font nómez cardiaques, stomachiques, pectoraux, hepaticques, spleniques, & histeriques: diuersité de noms & epithetes qu'ils prennent, tát pour la diuersité des membres, auxquels ils font propres, que pour leur naturelle propriété: & ont leurs effets tellement specifiqués & determinez, qu'ils ne peuuent rien operer qui soit propre au commú & general d'iceux. Et non sans cause, veu que participáts seulement d'une, ou de deux qualitez, ils font rendus sous leur action particuliere: mais nos eaux minerales passant pres de plusieurs mineraux, acquierent, par la perpetuelle propagation & production d'iceux, & du feu terrestre, des vertus & facultez comme vniuerselles: si bien que celuy qui diroit, l'eau d'alun n'auoir que les propriétés

prietez de guerir vne ou deux maladies, se tromperoit grandement. Cela se void par la demonstration, qu'on faiët des incommoditez qu'elle guerit, tant en la teste, qu'en toutes les parties du corps humain, soit qu'elles soyent internes, ou externes.

P O U R preuue de mon dire, i'en deduiray la plus grande partie, commençant par les externes, à sçauoir, par la dychophie, trichiasis, crispatie, rhopalosis, alopecie, olphiacis, scabricie, tigne, gale, vlcères, qui sont affections dependantes des cheueux, de l'epiderme, & de toute la peau; lesquelles sont en leurs principes gueries tant par la douche, estuues, boisson, que par l'usage du bain. Les internes en sont de mesme, comme l'hydrocephale, & les maladies des yeux, à sçauoir, l'ophtalmie, l'epiphore, emphysema, chalasis, l'anchilops, ægilops, chrite, enchantis, ectropie, ptillopis, celo

celomatia, l'ipopion, la nuee, l'albu-  
 men, l'argemon, l'eptirigium, mydra-  
 sis, le niéctolops, glaucoma, suffusion,  
 l'embliopia, ecpiesmos, maladies les-  
 quelles par la vertu dessicatiue de l'a-  
 lun, peuuent receuoir non seulement  
 de l'allegement, mais aussi de la gue-  
 rison. Celles aussi des oreilles, com-  
 me les douleurs d'icelles, soit qu'elles  
 prouiennent de l'intemperie froide,  
 crasseuse, glutineuse, & flatueuse des  
 humeurs qui sont dans icelles, ou dás  
 le cerueau. Les infirmitéz des narines,  
 lesquelles deprauent & gastent le sés  
 de l'odorat, & sur tout en empeschát  
 & bouchant son organe, comme le  
 sarcoma, polypus, ozena, les vlcères  
 puétrides des os ethmoïdes. Celles de  
 la bouche, côme les aphtes pituiteu-  
 ses, les douleurs des dents, leur noir-  
 ceur: les affectiions de la langue, à sça-  
 uoir, le batrachus, ou ranula. Les ta-  
 ches du visage, les varons, lentilles,  
 suggilla



suggillation, & toute rudesse de cuir: les scruphules qui prouiennent d'un humeur melancholique, & phlegmatique: le broncocele, qui se forme, tant aux hommes, qu'aux femmes, par l'usage des eaux par trop froides, comme celles de neige. Les maladies du cerveau, à sçauoir, la cephalce, cephalagie, l'emicrania, la melancholie, lycanthropie, cynanthropie, le vertige, l'epilepsie, l'apoplepsie, hemiplexie, la paralisie, excitee par l'abondance de la pituite, la conuulsion, le tremblement, l'assoupissement, le catarre. Elle est aussi profitable à la poitrine, comme aux douleurs de la clauicule, des espaules, du costé: aux mammelles escorchees, & vlcerees, aux humeurs d'icelles, & au laiët depraué: aux playes du thorax, à la toux, à la voix rauque, à l'asthme, & l'empieme. Les affectiôs du cœur, comme l'ardeur feureuse de la tierce, quar-

te, & continue. Les serositez du pericarde, auquel on tient que l'humidité radicale reside, & que ce fut l'eau qui sortit avec le sang du costé de mó Sauueur: car aucune eau pure ne peut sortir des parties de nos corps, si ce n'est de la tunique du pericarde, laquelle estant blessée, la mort soudaine s'en ensuit: & pource que le cœur de I E S V S-C H R I S T fut percé, ainsi qu'asseure saint Jean, tesmoing oculaire de sa doloieuse Passion, les deux parties du cœur estant ouuertes, de l'vne en sortit son tres-pur, & tres-pretieux sang, & de l'autre l'eau, que les Historiens, & Theologiens tiennent estre sortie miraculeusement de son corps, quoy que naturellement cela se puisse faire. Les maladies du ventre inferieur sont aufigueries, comme la douleur d'estomach, son intemperie humide & froide, la cardiagie, la nausée, le vomif

missément, le hauquet, la crudité, l'inappetence, le bolimus, ou la faim canine, la concoction deprauee, la diarrhee, la periree, la celiacque affection, les coliques tant renales que venteuses, les hernies intestinales, les tumeurs de l'epiploon, & du pancreas, l'intemperie du foye, l'hydropisie, les vlceres des reins, l'iscurie, & disurie de la vessie, la profluxion du pus, le calcul, & le sable. Les maladies de l'vterus, & de la matrice, côme son intemperie froide & humide, les vlceres, la profluxion immoderee des fleurs blanches, & des menstrues des femmes: les tignes des pieds, & leurs tumeurs edemateuses. En fin plusieurs autres manquemens de nature.

**Q**UE si on me dit, que l'eau toute seule ne peut executer tels & semblables effets en la cure des susdites maladies, l'on considerera que c'est par la voye des mineraux, & des vertus,

& facultez qu'elle rend d'iceux, & desquels la nature dans ces cellules internes, trouuant vn dissoluant fort propre, en extraiét la force & puissance, pour la faire communicable à l'eau, laquelle estant sans qualité, reçoit aisément les facultez, & proprietéz d'iceux : si bien qu'estant doüez d'vne chaleur, & secheresse fort grande, consomment & desseichent les humiditez sur-abondantes des parties du corps humain : & par mesme moyen profitent aux maladies & indispositions, qui prouiennent d'vne cause froide & humide. En ces operations, l'industrie, & le labour des hommes s'y perd entierement, attendu qu'oultre l'essence & substance des mineraux, Dieu donne quelque spécifique & infuse qualité, laquelle n'est pas seulement experimentee, & es-prouee en vn lieu tout seul, ains en plusieurs parties de la terre.

*Du meſlange & mixtion de l'eau  
chaude avec la froide.*

CHAP. VIII.



Les choses omogenees ont ſi grande proportion & vnion par enſemble, que quoy qu'elles reçoient vne petite alteration par quelque qualité qui leur eſt de nouveau communiquee, elles ne laiſſent pour cela de produire & operer les eſſets qui leur ſont naturels. Cela eſt euident en l'eau, principalement au meſlange & mixtion de celle qui eſt chaude (comme celle de l'alun) avec l'eau froide. Car cōme ſa proprieté eſt d'humecter & refroidir, quoy qu'elle reçoie vne petite chaleur par l'addition de ſa ſemblable, laquelle tire ceſte impreſſion du feu ſouſterrain, & de la qualité de ſon mineral; neantmoins elles ſe lient ſi eſtroitement

par ensemble, que la chaleur accidentelle ne rompt & ne destruit aucunement leur nature : ains la fortifiant, fait qu'elles se rendent propres & salutaires à plusieurs humaines aduersitez. Et tout de mesme qu'és mouuements des cieux s'engendre vne harmonie si grande, que nostre musique n'est qu'vne imparfaicte ressemblance de la celeste, ( comme Pythagoras, Macrobe, & Platon ont tenu : ) ainsi parmy les corps elementaires, & particulièrement entre ceux qui sont de mesme substance, y a telle vnion & conuenance de nature & de qualité, que leur mixtion n'est que la parfaicte harmonie d'vn bon temperamét. Et bié qu'on voye quelque fois qu'ils surpassent leurs naturelles proprietez sur vn petit grade de chaleur, que le Ciel fait couler insensiblement dans leurs essences : Toutesfois cela se fait pour la plus grande perfection d'iceux,

ceux, & de nostre bonheur: car si en la musique on entend vn Superius, qui excède & surpasse toutes les autres voix, c'est toujours avec la mesure & les tons necessaires pour la rendre plus agreable & delectable à nos sètimèts: Aussi l'eau, pendant qu'elle s'accorde avec les autres elements, fait, si i'ose dire, vn melodieux concert & temperament, & le tout pour la beauté de l'Vniuers. Mais lors, que sur la domination d'un peu de chaleur accidentelle qu'elle acquiert, elle fait voir la qualité superieure de l'elemèt du feu, qui comme la voix d'un Superius esleuee paroist sur les quatre vniuersels principes de ce monde, elle se red plus agreable & delicieuse à fomentier & entretenir nos vies. Cela se void au melleange & permixtion, qui se fait entre les deux fontaines, qui composent & font le Bain temperé: les vertus & facultez duquel deuroyent estre

descriptes à part : mais veu que c'est presque la mesme chose que l'eau d'alun, il ne sera qu'à propos de s'yure dans ce traicté, ce qui se peut dire de sa nature.

---

*Du Bain temperé.*

CHAP. IX.



A fin pour laquelle la Nature a produit les elements n'est pas seulement pour composer & occuper vne partie de l'Vniuers: mais aussi pour seruir à toutes les choses créées : à ces fins le Bain temperé participant du troisieme element, à sçauoir, de l'eau, fait que nous ressentions ses facultez, qui ne sont qu'humectatiues & refrigerantes, propres aux chaleurs de foye & des rains, aux corps amaigris, aux galeux, aux ficures ethiques, & intermittentes, aux lassitudes, & au cuir endurci. Ainsi est-il  
rappor



rapporté par vn certain Auteur, qui dit: *Balneũ lassitudines mulcet, exbaurit- que inquinamenta acriora sub cute laten- tia, & intemperiem omnem corrigit.* Et quoy que les fieures ethiques soyent incurables, principalement celles qui sont desia confirmees, le vray scope & intention de la Medecine est pour les guerir, de rafraichir & humecter, tant interieuremēt, qu'exterieuremēt le corps. A cet effet on dispose & prepare vn bain temperé, pour humecter les membres, qui sont par trop asseichés, & temperer les humeurs les plus eschauffés. De mesme en est-il aux fieures periodiques, & intermittentes, pourueu qu'on vse de ce Bain à propos, & comme il faut: sur tout obseruant qu'il soit prins, avec les signes de coction qui sont necessaires: autrement il seroit dommageable: car en attirant les humeurs crues au cuir, il causeroit des grandes opila-

tions & obstructions. C'est pourquoy il faut que toutes choses soyent bien dispensées, veu que, comme dit Hipocrates, *au 4. de victus ratione*, plusieurs biens & vtilitez sont au Bain, auquel toutes choses sont appropriées: que s'il y a quelques deffauts d'icelles en vne, ou en plusieurs, il est à craindre qu'il ne nuise plus, qu'il n'ayde. Et quoy que le Bain temperé, prins de la personne saine, deuant ou apres le repas, & en temps propre, confirme la santé: neantmoins ceux qui sont malades & incommodez en peuuent aussi librement, & hardimét vsfer. Quelquefois aussi le mal est si grand, qu'il ne peut si tost contenter son subiect: & mesme aux premiers iours: pource ne doit-on promptement perdre courage, ny se defier de la guerison. C'est l'opinion du sage & diuin Medecin Hipocrates, qui dit *en son 52. aphorisme, section 2.* Si  
quel

quelqu'un vſe à propos du regime de viure, & des medicamens ( au nombre deſquels ſont les Bains naturels & artificiels ) avec les forces requiſes, & le conſentement de la nature commune & particuliere, il ne doit ſoudainement & temerairement changer ſon remede, bien qu'il ne luy profite beaucoup : pourueu que la premiere intention, qui diſcerne le bain, ſoit en cor en eſtat, & que le mal & les accidens ne ſoyent par trop violents. Par ainſi il ne faut ſi legerement quitter les premieres reſolutions, en ce meſmement qui nous peut ſoulager & guerir : ains pluſtoſt ſe roidir contre le mal, & ſupporter le remede ſi longuement qu'on pourra. Car, comme dit Celfe *en ſon liure 3. chap. 5.* il ne faut point deſiſter, d'autant que ſouuent l'opiniaſtreté du malade ſurmôte ſon mal. Or d'autant que d'ailleurs nous eſprouuons auſſi en nous meſme quel-

que

que changement à tout moment, & en tout aage, & ce par les qualitez cōtraires, qui minent nos forces, estant semblables à ceux qui voguent sur mer, lesquels ou assis, ou debout, ou couchez vont tousiours : Toutesfois quoy que nous marchions sans cesse, aux douleurs & regrets d'une vie languissante, nous pouons par le moyen du Bain temperé, qui est fait selon la nature, reparer ses defauts, si non parfaictement, du moins luy donner vn soulagement agreable.

Que si la chaleur naturelle, agissant incessamment cōtre l'humidité radicale, & s'affoiblissant d'elle mesme par sa continuelle action, sans que par la nourriture, ny que par remede quelconque nous puissions reparer autant de ces deux principes de vie qu'il s'en perd iournellement, il est force que le temperament decline peu à peu, & que le froid commence  
à pre

à predominer au corps, par l'affoiblissement de la chaleur naturelle: & aussi que le mesme corps se desseiche, & consume: euenemens qui sont suiuis de mille sortes d'infortunes, lesquelles on ne peut retarder, ny mieux fauorablement empescher, que par la fortifiante, & viuifiante chaleur du Bain. Car comme c'est son propre, ou plustost du feu, par tout, de tout mouuoir; & de l'eau de nourrir tout, ils suffisent à toutes choses, & mutuellement s'entre-aydent pour nostre utilité: ce que separez ils ne peuuent: d'autant que leur combat est perpetuel, & leur gloire incertaine. Ceste chaleur, qu'on void sortir des canaux sousterrains, desliure les corps de leurs impuretez, soulage les parties foibles, entretient le premier & principal instrument de l'ame, & en fin viuifie tout: proprietiez qui accroissent autant les loüanges des Bains, que


que le feu, & chaleur, qu'ils communiquent aux hōmes, fait des merueilles. Ce qui transporte les Philosophes en la meditation de leurs effects, qui sous vne secrete desfiance, les emmeine au mescontentement de si petites, & foibles raisons, tant de la duree de leurs proprietiez, de leur particuliere façon d'operer, & de leur nature, qu'en fin ils se resoluent à vn discret silence. Aussi les sciences ont leurs bornes, & c'est errer de se torméter à vouloir sçauoir plus qu'il ne se peut. *Celuy est sage, dit Æschilus, qui sçait non pas beaucoup de choses, mais celles qui sont intelligibles.* Il n'y a rien de plus grand en la science de l'homme, que de cognoistre, & discerner iusques où elle se peut, & ne se peut pas estendre. Disons libremēt ce que dit Philon le Iuif: *La fin de la science est de cognoistre son ignorance, & que de sçauoir les proprietiez & natures de toutes choses*

ses n'appartient qu'à Dieu seul. Socrate fust-il pas estimé, & nommé le plus Sage des hommes, par l'Oracle de Delphes, parce qu'il disoit ne rien sçavoir, & ignorer tout? C'estoit, dit Platon, l'art de Socrate, de faire que les hommes n'estimassent pas sçavoir ce qu'ils ne sçauoyent pas. Et certes c'est beaucoup d'apprendre par la sciéce, qu'il y a plusieurs choses qu'on estime tomber sous la cognoissance humaine, lesquelles ne peuvent estre sceües: Et n'est pas peu de cognoistre par les autres, ce qu'elles ne sont pas. Le fruiét n'est pas petit, dit S. Augustin, si en plusieurs choses obscures, que nous ne pouuons comprendre, il nous est certain qu'il ne les faut chercher: car si nous croyons de les sçavoir en les recherchant, nous ignorerons tousiours ce que ne pouuons pas sçavoir. Qu'on dispute tant qu'on voudra pourquoy nos eaux  
ther

males ont tant de rares , & si contraires qualitez & proprietéz : & pourquoy le Mont-Riual produit de si belles & salutaires fontaines. Toujours Dieu se conseruera & retiendra la maistrise sur leurs qualitez , & fera paroistre aux Philosophes, qu'il est plus sage , & plus puissant à faire des merueilles par icelles , qu'ils ne sont impuissans & foibles en leurs imaginations. C'est chose fort honorable de sçauoir ce que la Nature nous enseigne : mais de passer outre , & apostropher le Seigneur des Seigneurs, dire beaucoup de ce qu'on ne peut rien sçauoir, *nisi veluti per speculum, & in enigmate* , c'est vouloir trop entreprendre, & dire trop peu de ce qu'on diroit beaucoup d'auantage, s'il nous estoit cogneu.

F I N.





INDICES  
DES CHAPITRES  
CONTENVS EN CE  
PRESENT OEUVRE  
DES MERVEILLES  
des Bains d'Aix,  
en Sauoye.

Au Premier Liure,



*Q*u'il ne faut pas rechercher la  
raison des causes qui nous sont  
incognuës: & qu'il est necessari-  
re d'auoir vne prudente & li-  
mitee curiosité sur le subiect qu'on doit trai-  
eter.

Chapitre I. feuillet 11.

Description du lieu, & des Bains.  
Chap. II. feuillet 16.

Les Autheurs & Inuëteurs des Bains.  
Chap. III. feuillet 20.

La qualité & propriété de l'air d'Aix  
en Savoie, ensemble quelques curiositez de  
l'Abbaye d'Haute-côbe, & de la fontaine  
des merueilles. Chap. IIII. fueil. 25.

Figure & forme des Bains d'Aix.  
Chap. V. fueil. 39.

Des Bains en particulier. Chap. VI.  
fueil. 42.

De la nature du souphre, & s'il y-a des  
eaux sulphurees. Chap. VII. fueil. 47.

Si au bain du souphre on y recognoit  
quelque autre mineral, que le pur souphre.  
Chap. VIII. fueil. 52.

Du bitume, nitre, & sel. Chap. IX.  
fueil. 56.

Les qualitez manifestes de l'eau sulphu-  
ree. Chap. X. fueil. 63.

Des qualitez occultes de l'eau sulphu-  
ree. Chap. XI. fueil. 79.

Questions necessaires au traité de l'eau  
sulphuree. Chap. XII. fueil. 83.

Methode generale pour prendre les  
Bains. Chap. XIII. fueil. 88.

Du

*Du regime de vivre, qu'il faut observer  
aux Bains. Chap. XIV. fueil. 97.*

*Les remedes necessaires à ceux qui pren-  
nent les Bains. Chap. XV. fueil. 103.*

*Maniere & façon comme on prend les  
Bains & les eaux, dans Aix en Sauoye.  
Chap. XVI. fueil. 107.*


*De la douche, cornets, & estuues.  
Chap. XVII. fueil. 116.*

*Si les Bains d'Aix sont profitables aux  
femmes steriles & aux surditez d'oreille.  
Chap. XVIII. fueil. 126.*

*Si les Bains ont quelques proprietez  
pour guerir la gale, lepre, goutte, sciatique &  
verole. Chap. XIX. fueil. 133.*

*Si les Bains de souphre peuuent guerir  
le venin du corps humain aussi bien que  
celuy des serpents. Chap. XX. fueil. 148.*

*Si les eaux du Bain du souphre peuuent  
corriger & tuer les vers des petits en-  
fants. Chap. XXI. fueil. 155.*



A V S E C O N D  
L I V R E :



*ST* traité du Bain d'Alun.

Chap. I. fueillet 160.

De l'Alun. Chapitre II.

fueil. 164.

Les qualitez & proprietez de l'eau alumineuse. Chap. III. fueil. 168.

S'il faut observer le mesme regime de viure au bain d'alun, qu'en celuy du souphre, & de leur difference. Chap. IIII. fueil. 171.

S'il est necessaire de prendre le Bain d'alun, apres celuy du souphre. Chap. V. fueil. 173.

Si l'eau d'alun a quelques autres proprietez que celles ià dictes. Chap. VI. fueil. 178.

Si l'eau d'alun est plus propre au calcul, que l'eau du souphre. Chap. VII. fueil. 182.

Les

Les maladies ausquelles l'eau d'alun est profitable. Chap. VIII. fueil. 189.

Du meslange & mixtion de l'eau chaude avec la froide. Chap. IX. fueil. 197.

Du Bain temperé. Chap. X. fueil. 200.

---

### Corrections.

Page 8, vers 5. *excolant*, lisez *extollant*. pag. 26. ligne 3. lisez *cum sit*, au lieu de *sic*. pag. 49. ligne 8. autres, lisez *aurees*. pag. 136. ligne 1. par experience, lisez par l'experience. pag. 138. ligne 2. les, lisez *ses*. pag. 143. ligne 7. pour, lisez par. Le Lecteur verra deux chapitres au liure de l'Alun du nombre de V. mais au dernier on comptera VI. continuant iusques à X.

---

## PERMISSION.

**I**E consens l'impression de ce liure des Merueilles des Bains d'Aix en Sa- uoye, par I A Q V E S R O U S S I N, Li- braire & Imprimeur de ceste ville. Et deffences à tous autres de l'imprimer, sur les peines de droict. Faiçt ce 8. Decembre, mil six cents vingt-deux.

BOLLIOVD.

---

**V**E v le consentement du Procu- reur du Roy, il est permis à Ia- ques Roussin d'imprimer le present Discours, avec deffences à tous autres de l'imprimer sur les peines de droict: ce neuueme Decembre, mil six cents vingt-deux.

DECHAPONAY.

---

EXTRAIT DV  
Priuilege du Roy.

**P**AR Lettres patentes du Roy donnees à Ly<sup>o</sup> le douzieme Decembre, mil six cents vingt-deux, signees par le Roy en son Conseil PERROCHEL, & sceeles du grand seau de cire iaulne, il est permis à Maistre Iean Baptiste de Cabias, Docteur en Medecine, natif du Pont saint Esprit en Languedoc, faire imprimer & mettre en lumiere, par tel Libraire & Imprimeur que b<sup>o</sup> luy semblera, vn liure par luy faiçt & composé, intitulé *Les Merueilles des Bains d'Aix en Saouye*. Et defenses sont faiçtes à tous autres Libraires & Imprimeurs, & autres, d'imprimer, ou faire imprimer, vendre ou distribuer ledit liure sans la permission dudit de Cabias, ou de celuy à qui il en aura pour vne fois cedé la permission, pendant le temps & terme de six ans, sur peine de confiscation des exemplaires qui se trouueront imprimez, mil liures d'amende, despens dommages & interests. Voulant sa Majesté le present Extraict cy apposé seruir de deuë signification: ainsi que plus à plain est contenu esdites Lettres patentes.

---

**L** Edit Maistre de Cabias, Docteur en Medecine, La esleu Iagues Roussin marchand Libraire & Imprimeur à Lyon, pour imprimer, ou faire imprimer vne ou plusieurs fois, pendant le temps & terme de six ans, le susdit liure, l'ayant substitué à pur & à plain en  
son

son lieu & place, pour iouyr totalement dudit Priuile-  
ge, & agir contre les contrevenans comme luy mesme:  
Et promis n'augmenter, ny corriger, ou additionner  
ledit Livre pour le faire imprimer à autres qu'audit  
Roussin, & de son consentement, pendant lesdits six  
ans, ainsi qu'il appert plus amplement par la Cession  
passee par devant Notaire Royal, audit Lyon, le  
quinzieme Decembre, mil six cents vingt-deux.